

應州續志目錄

首卷

序

纂修姓氏

凡例

卷一

方輿志

沿革

形勝

山川

古蹟

風俗

災祥

卷二

建置志

公署

城池

學宮

倉儲

驛鋪

橋梁

河渠

卷三

田賦志

地糧

戶役

屯衛

雜課

卷四

祠祀志

壇廟

寺觀

塚墓

官師志

封建

職官

名宦

兵防

卷六

帝系志

皇帝

皇后

附公主

皇子

諸王

卷七

選舉志

甲科

貢選

封蔭

仕宦

武職

卷八

人物志

先賢

文苑

列女

流寓

卷九

藝文志

制勅

詳稟

文

詩

詩餘

卷十

雜紀

廣州續志卷之九

應州知州南豐吳炳纂輯

藝文志

制勅
詩餘

詳裏

文

詩

唐宋元明諸史俱列藝文然祇存其名目以爲殫見
洽聞之助若省郡州邑志乘則備載其文所有山川古
蹟政事風俗旣可藉文以傳其地亦可因地以存其人
蓋所關綦重矣然牧令之德政碑文人之應酬體連章
累牘臚列志中識者病焉茲惟取實有關係者錄之以
資國史之採擇其他俱從簡汰後之讀是編者不必親

6146
32.2 12

歷風土亦可身親顛末矣乎次藝文

明勅

明

贈江西道監察御史王巍父母勅

勅曰爲人子者孰不欲顯揚其親故子之賢而能宣力
於職者朝廷必推恩以報之所以遂其顯親之心而勸
天下之爲孝者也爾江西道監察御史王巍故父壽善
積於躬慶延於後致有令子效用於時推厥本原宜有
褒嘉今贈爾爲文林郎江西道監察御史靈其不昧尙
克承之

勅曰朕惟人子之才雖本於父而資於母德亦深矣故
存有褒榮歿有追贈此國家之令典也爾楊氏乃江西
道監察御史王巍之母夙有德善是生令子效用於時
而祿養不逮揆其所自宜有顯褒茲特贈爲孺人靈其
歆承永賁幽壤

封江西道監察御史王巍并妻郝氏勅

勅曰朝廷設監察御史欲其振紀綱而勵風俗以弼成
國家之治非得剛方清直之士曷克以稱爾文林郎江
西道監察御史王巍

科典敘外邑擢任風紀式

克慎勤是用錫之勅命以示褒榮夫官以察爲名以言
爲職在明大體而畧細故扶植君子而抑小人其益端
爾志堅爾守毋私於廷毋撓於勢毋訐以爲直毋苛以
爲能明以爲公以行之懋脩不懈尚有顯秩以需爾
成欽哉

勅曰朕惟人臣克敏者雖本於父母蓋亦資伉儷內
助之力也茲維思之典必及之爾江西道監察御史王
藹妻郝氏克謹婦道以相其夫致能盡心於職茲特封
爲孀人服此榮恩永光爾閭

禮部尚書石瑁制

制曰禮部古宗伯之職掌天下禮儀祭祀宴享貢舉之政令其任爲至重矣國家稽古建官尤慎斯選必得直亮寅清之士方克稱焉爾故禮部尚書石瑁踐歷中外式著才猷遂遷佐於天官復進陞於宗伯清譽茂著朕用嘉之方期相禮之勤胡不享年之久茲聞哀訃良可悼傷特贈資善大夫禮部尚書誥命用昭寵恩靈爽如存尙其歆服欽哉

贈禮科給事中石瑁父母勅

勅曰國家推恩人臣而必及其親者所以重本而勸孝
也是何閒於存沒哉禮科給事中石瑁之父普金慶鍾
厥子而祿養不逮揆其所自宜有顯褒今特贈爲徵仕
郎禮科給事中靈其不昧尚克承之

勅曰朕惟羣臣之才者固本於父亦必資母德焉存有
褒榮歿有追贈此有國之通制也禮科給事中石瑁之
母王氏有子能官而不逮養溯惟所自宜有褒榮茲特
贈爲孺人尚克承之永賁幽壤

勅曰朕惟人之繼母寔配體於父而於子有教育之德

焉故人臣之克勤於職者其繼母亦有褒榮之命禮科
給事中石瑁之繼母曲氏有子效用歷年於今推厥慶
源宜隆褒錫是用贈爾爲孺人靈其承之永賁泉壤

封禮科給事中石瑁并妻郭氏勅

勅曰國家設六科給事所以平奏術詳命令審覆是非
駁正違失其責重且要矣匪得其人曷膺是選爾禮
科給事中石瑁發身賢科給事廷階歷年滋久克愼且
勤是用進爾階徵仕郎錫之勅命以爲爾榮夫居近侍
而以言爲職貴達大體而畧細故爾其益端乃心勵乃

行母徇母激懋於厥官尚有榮名需爾後效欽哉

勅曰夫婦人之大倫故朝廷推恩羣臣命必及之禮科
給事中石瑁之妻郭氏克相其夫茲特封爲孺人祇服
榮恩永光閨闈

贈封中軍都督府經歷司都事石震父母勅

勅曰教子者必使勞於所事勸臣者必使顯其所生此
固人之至情而亦國之良法爾石居敬乃南京中軍都
督府經歷司都事震之父林泉晦跡書史傳家竟成教
子之功宜示推恩之典茲特贈爾爲文林郎南京中軍

都督府經歷司都事服此隆恩永光幽漠

勅曰人臣有勞於國朝廷必寵其親所以體報德之心示勸功之典爾蘇氏乃南京中軍都督府經歷司都事石震之母相夫盡職教子成名揆厥慶源宜申恩典茲特封爲太孺人佩此榮光永綏色養

封中軍都督府經歷司都事石震并妻陳氏勅

勅曰國家分督府以領五軍雖專武秩置幕官以治庶務則用文資寓意實深任人宜慎爾南京中軍都督府經歷司都事石震發跡賢關佐官闡幕歷年漸久奉職

惟勤茲特進階文林郎錫之勅命夫官不計崇卑必求其稱事不論難易務底於成勉圖進脩以俟甄擢欽此勅曰夫婦之際風化所先君臣之閒恩禮攸在凡爲伉儷必與褒封南京中軍都督府經歷司都事石震妻陳氏早聞內則克相厥家夫既有官秩宜偕貴茲特封爲孺人榮命聿頒式光閨闈

贈封上林苑監左監丞田天澤父母勅

勅曰旌獎賢勞乃朝廷之著典顯揚親德亦人子之至情此倫理所當崇實風教所由繫肆推恩命奚閔幽明

爾田盛乃上林苑監左監丞天澤之父存心篤厚待物寬平賢聲素著於鄉閭德惠每施於族黨顧遺經之素嚴乎義方致令子之才早登於鄉薦績書奏最名銓曹禮典推恩光生泉壤褒寵有自昭示無窮茲特爲文林郎上林苑監左監丞尙期神爽之昭益迓寵靈之賁

勅曰母氏劬勞義實兼乎教育朝廷寵數禮特重於褒榮肆緣報本之情誕舉貤封之典亦惟有德始稱厥名爾陳氏乃上林苑監左監丞田天澤之母性本淳

惟勤儉相夫治內久著賢聲教子居官聿成嘉績康強
無恙方膺祿養之榮尤顯惟新宜示褒嘉之寵用彰慈
範兼勵賢能茲特封為太孺人諒天道之足徵庶家規
之永賴

封上林苑左監丞田天澤并贈妻王氏勅

勅曰上林苑監典樹藝牧養之政所以省民財而供國
用也必設正丞掌理其事匪得賢能之士曷克稱焉爾
上林苑監左監丞田天澤早掇鄉科首司民社久殫勞
勩遂擢今官興利除姦才實優於幹濟正身率屬心恆

爲於操脩考最既書寵褒宜示茲特進爾階文林郎錫
之勅命於戲居官以盡職爲良已徵嘉績褒譽以永終
爲善勿替初心尚有崇階以需求效欽哉

勅曰人臣有勞於國朝廷必寵其家肆惟伉儷之良均
被褒封之命典章具在存歿攸同上林苑監左監丞田
天澤妻王氏淑慎有常祇勤靡忒出自名族歸於儒門
禮美相成方著宜家之美琴瑟中斷竟違偕老之心宜
媿夫階以申卹命茲特贈爲孺人庶淑靈之有知服休

光於無斁

封贈兵部職方司主事霍希夔父母勅

勅曰樹德砥行之士不自顯試而啓迪哲胤以光國家其貽穀亦勤矣卽以子之貴貴之詎非宜哉爾霍宗嶽乃兵部職方清吏司主事希夔之父勤儉持家朴茂成性善信素推於鄉族義方尤篤於家庭惟予望郎寔爾良嗣嘉其燕翼錫之靈章是用封爾爲承德郎兵部職方清吏司主事迓恩光之有赫綏壽祉以無疆

勅曰世常言慈母而易並稱嚴君貴其能訓也故劬勞之恩義方之訓均宜有隆報焉爾王氏乃兵部職方清

吏司主事霍希夔之母食貧雅操引禮自持篤生賢嗣
愛而能教祿養弗永淑問如存是用贈爾爲安人式表
徽音永光幽宅

封兵部主事霍希夔并贈妻王氏封妻李氏勅

勅曰尚書郎高選也朕初嗣服咸有寵數以褒嘉之矧
職方列屬夏官務劇而任重敘材程績褒賚奚可後哉
爾兵部職方清吏司主事霍希夔蔚有士望發於制科
以爾通達治才曉暢戎務掄之夏省俾業厥官而克殫

忠勤數紆籌畫官評允暢惟朕爾嘉茲以覃恩特授爾

階承德郎錫之勅命爾馳驅王事竟以隕軀朕篤不忘
是有褒賚爾尚歆予之寵貺哉

勅曰士有嫺德之配而不與其顯榮此人情所憫惻
也朕有大慶以寵羣臣肆褒卹之典得並及焉爾兵部
職方清吏司主事霍希夔妻王氏德秉靜嘉儀脩順正
積於詰士在內有聞爾夫登庸爾則永逝良可閔己是
用贈爾爲安人沒也有知承此異渥

勅曰朕敷大慶於廷臣必推恩於厥配所以酬服采之
績章敬勛之賢也爾兵部職方清吏司主事霍希夔繼

室李氏懋踐閨儀恪脩內政相爾夫子克勤其官茲渙
國恩宜從夫爵是用封爾爲安人茂膺並命之榮式表
相成之德

贈陝西西安府華州蒲城縣知縣田蕙父母勅

勅曰士有藏器而未試於時子有沾祿而弗逮其父
於人情亦甚戚矣所以慰先志而展孝思者惟國典是
賴也爾貢士田維魯乃陝西西安府華州蒲城縣知縣
蕙之父飛英鬢序通籍南宮操履無虧義方有訓爾子

元宗暢譽雅志可酬已是用贈爾爲文林郎陝西西安

府華州蒲城縣知縣綸綽有輝泉臺永資

勅曰母氏劬勞幸哉有子而身不獲視其成食其報此
人子所爲痛風木也不有榮思何以慰之爾俞氏乃陝
西西安府華州蒲城縣知縣田蕙之母允廸閭彜克脩
孝德相夫訓子蔚有名稱祿食弗沾良可憫惻茲特贈
爾爲孺人歆承明命永耀幽原

封陝西蒲城縣知縣田蕙并贈妻秦氏封妻陳氏

勅

勅曰朕加意元元思登至理所賴承宣德意朝令夕達

者惟良邑宰耳厥有政績褒典庸可後哉爾陝西西安府華州蒲城縣知縣田蕙性質端方才猷敏練發身甲第試宰名封乃能廉慎自持慈祥敷政民懷訟理綽有令聲茲以考績授爾階文林郎錫之勅命夫程功晉秩國有彝章爾尙益殫初忱懋圖來效庶永終譽以光訓
詞欽哉

勅曰十旣貴而篤念於始配爲其共處約也肆國家從爵之典必首及之爾陝西西安府華州蒲城縣知縣妻秦氏毓秀儒門于歸令族敬相夫子力學入官榮遇方

新鑿爾先逝是用贈爾爲孺人懿靈不爽顯命歆承

勅曰朕觀風化始於閨門業官賴於內助則知伉儷之

義無先後一也爾陝西西安府華州蒲城縣知縣田蕙

妻陳氏女誠風嫻婦彝九地前徽是紹以襄爾夫宰

三書
敬戒是用封爾爲孺人祇服褒綸益敦敬

贈戶部四川河主事田蕙父母勅

勅曰朕惟對教者資其食樹德者享其報故士有積學
龐德不顯其身者必滂發於厥嗣此天道也爾贈文林

郎陝西西安府華州蒲城縣知縣國維魯乃戶部四川
清吏司主事蕙之父舉振枝宮名升天府伴抱阻逢於
當世遺經有託於後人能舉刺部之官濟爾嚴庭之訓
茲加贈爾爲承德郎戶部四川清吏司主事祇歆游至
之榮益篤方來之祐

勅曰子之於母生有陟配之恩歿有柩捲之感念至切
也朝廷敷慶追崇雖亡必遠焉爾贈孀人俞氏乃戶部
四川清吏司田蕙之母既孝而慈終溫且惠相夫綴學
綽著才名易子服官弗躬祿養母儀雖遠奉範攸存茲

加贈爾爲安人霞章之被維新風木之悲庶慰

封戶部主事田蕙并贈妻秦氏封妻陳氏勅

勅曰地官之屬分理天下征貢以經制國用登阜民財
匪直掌度支會計已也任既重煩必詰彥戶部四
川清吏司主事田蕙性資陽朗才詞敏明射策大廷分
符鉅邑乃簡置計曹而能劑量有經出納惟允使公私
兩利於國計深有裨焉茲以覃恩授爾階承德郎錫之
勅命夫緩譏則病國急聚則病民爾旣導利以布上下
矣尙殫心畢計以永終譽而樹來效欽哉

勅曰賢婦克相其夫由學登仕乃中道化離則人情有
深隱矣介此鴻休豈靳追錫爾戶部四川清吏司主事
田蕙妻秦氏望族含貞哲人作配方資敬助遽爾長捐
宜錫新綸用旌舊勩茲加贈爾爲安人歆承赫奕之綸
永表徽柔之德

勅曰士行之襄恆資女德故夫貴於朝則妻榮於室以
明相敵之義嘉交儆之功也爾戶部四川清吏司主事
田蕙繼室封孀人陳氏順正無違柔嘉維則克脩內政
恪贊官常爾夫振譽郎曹允茲裨益茲加封爾爲安人

先膺綸綍之恩彌憚珩璜之節

贈通政使司左參議田蕙父母制

制曰夫天之道猶酌也不足則注之故士有挹儒終老
樞牖之間而其子卒用儒顯揚名朝廷斯其所托弘遠
矣爾累贈承德郎戶部四川清吏司主事田維魯乃通
政使司左參議蕙之父績學綴文履緇約矩升名貢籍
弗沾一命之榮振緒遺經早與凡御之議天道不僭儒
效甚明是用加贈爾為奉政大夫通政使司左參議五
鼎歆榮重泉耀采

制曰子欲養而親不待故執器列鼎則悲朝廷錫類推
恩重褒累卹教人孝也爾累贈安人俞氏乃通政使司
左參議田蕙之母操家有法秉禮不愆爰相良人晶成
哲嗣祿雖弗逮訓乃益光是用加贈為宜人載歆有赫
之章用慰如存之感

封通政使司左參議田蕙并贈妻秦氏封妻陳氏

制

制曰朕臨朝親決事惟是納言之臣得闕天下章奏以
通志道而來諫者此其職重矣自匪茂異弗以參焉爾

通政使司左參議田蕙偉器宏才穎資敏識登名宰邑
清勤績著秦中主計權闕廉惠聲流吳下選繇金部參
在銀臺而爾敷對詳明承傳慎密式孚羣望允愜朕心
屬茲最聞特授爾階奉政大夫錫之誥命夫虞周之盛
也上命出納惟龍惟山甫實司之故訓嚴夙夜而頌歸
喉舌世以極治爾奉職效矣益必益明以副朕望忠咨
瘼之意欽哉

制曰夫易稱中饋詩詠舊婚此以知婦職代終而入倫
重始矣肆推經誼爰載國彝爾通政使司左參議田蕙

妻累贈安人秦氏毓秀儒門儷芳哲士躬持令則力佐
潛脩胡早謝於芬華弗暫偕於榮貴宜申寵卹用播幽
光茲特加贈爾為宜人三命沾恩重原振耀

制曰宣納之臣夙夜在公自非女曰雞鳴孰相其恪故
稽勞列宋推美中閨所以為勸也爾通政使司左參議
田蕙繼室累封安人陳氏訓凜衿鞶動遵圖史嗣芬蘭
室服寵華階而敬戒彌勤歲規益勵爾夫靖共熙績繫
爾之賢是用加封為宜人申錫鴻名永光蕙譽

贈通政使司通政使田蕙祖父母制

制曰國家褒寵臣工推恩及其祖考所以嘉繩武之賢彰駿源之慶也矧其人出爲名宦處爲鄉賢尤當亟揚者乎爾原任陝西耀州知州田天澤乃通政使司通政使蕙之祖父清廉雅有家風孤介殊無俗韻驅馳州縣夙多保障之功俎豆鄉閭尙作表儀之式澤延再世祚啟名卿念厥詒謀特茲申命是用贈爾爲通議大夫通政使司通政使誕錫明廷之貺丕昭奕世之光

制曰朕惟尊祖及妣人情所同而緣分異施品制有限自非階秩之隆未有徽恩於大母者也爾王氏乃通政

使司通政使田蕙之祖母德全孝敬行備儉勤順正宜
家克襄廉吏詒謀啓後爰得亢宗昌延再世之祖宜需
初階之命是用贈爾爲淑人歆承新渥永茂來昆

贈通政使司通政使田蕙父母制

制曰士有強學砥行抱義甚高乃經術不售於身而儒
效竟徵於子觀所顯樹能忘式穀之自哉爾歲貢累贈
奉政大夫田維魯乃通政使司通政使蕙之父學窮今
古而孝友早聞名振膠庠而謙讓見譽雖里選之已及
乃仕籍之未登爰啓嗣賢爲時名碩是用加贈爾爲

議大夫通政使司通政使申錫絲綸之寵茂增堂構之
光

制曰人臣念母氏之勞而不逮養位愈崇則其慕愈切
匪藉國恩胡以慰其私而示勸哉爾累贈宜人俞氏乃
通政使司通政使田蕙之母內範莊嚴閭德孝敬閨中
勸學夙聞環珮之規膝下授經尙守機絲之教勛成令
子洵陟高華睠惟慈訓之光宜晉褒綸之卹是用加贈
爾爲淑人歆承國寵永作閨彝

封通政使司通政使田蕙并贈妻秦氏封妻陳氏

制

制曰朕惟國家大政必使上下流通然後無底滯壅蔽之患惟是出入王命宣下情而達上德則惟納言之臣是賴焉爾通政使司通政使田蕙才識通宏性資樸茂自掄制策屢著聲華邑宰宣猷雅多廉平之譽農曹司計夙弘綜理之能爰自郎闈晉叅喉舌更歷左右俾掌銀臺爾乃愈勵恭勤克慎出納凡百司之章牘辯覈必嚴與羣情之隱憂敷奏惟允勞望日積褒敘宜隆是用授爾階通議大夫錫之誥命夫人主周視廣覽所以爲

明也兼聽邇察所以爲聰也今四方利病或不以時聞
民情或壅而不達豈朕所望於納言之意乎爾旣祗承
厥敎尙愈加茂愆用贊朕明目達聰之治惟爾亦永有
休問欽哉

制曰夫婦人倫之始禮稱從爵故或德茂相成而願遠
借老則朝廷錫命之典必均及焉爾通政使司通政使
田蕙妻累贈宜人秦氏淑慎爲儀慈柔賦性含辛茹苦
以佐朝夕之供織紉繰絲以贊燈窓之業雖嘗勵雞鳴
之儆戒而未承翟茀之光華並用加贈爾爲淑人異議

游膺幽原永耀

制曰易稱中饋詩誅宜家言文德有裨於士行也國家
疏榮錫命豈以先後閔哉爾通政使司通政使田蕙繼
妻累封宜人陳氏夙嫻母訓克嗣前徽不忘荆布之風
允踐蘋藻之職令儀既備明綍宜申是用加封爾為淑
人祇承冠帔之華愈慎珩璜之度

封山東道監察御史陸厚父母勅

勅曰朕視羣臣之任職者必推恩於所生所以嘉勞而
勸孝也山東道監察御史陸厚父賢克成其子效用於

朝茲特封爾爲文林郎山東道監察御史服此榮恩益懋祇慎

勅曰國家制推恩之典以寵任事之臣其能盡心於職務者則必榮及其親所以示嘉褒而勵忠孝也爾山東道監察御史陸厚之母熊氏有子致用歷年於今皆爾善德所致茲特封爲孺人服此隆恩尙懋敬之

封山東道監察御史陸厚并

贈封妻李氏勅

勅曰朝廷設監察御史欲其振紀綱而勵風俗以弼成國家之治非得剛方清直之士曷克以稱爾文林郎山

東道監察御史陸厚發身賢科擢司風紀詳慎勤敏用
舉厥官是用錫之勅命以示褒榮夫官以察爲名以言
爲職在明大體而畧細故扶植君子而抑小人其益端
爾志堅爾守毋私於法毋撓於勢毋訐以爲直毋苛以
爲能明以燭之公以行之懋脩不懈尙有顯秩以需爾
效

勅曰朕於任職之臣旣推恩於其親而又榮及其配者
所以明國典而厚人倫也爾山東道監察御史陸厚故
妻王氏夙謹婦道用相其夫旣已早歿茲特贈爲孀人

服此榮恩永光幽窆

勅曰朕惟人臣克效勞於國者雖本於父母蓋亦有伉儷內助之力也故推恩之典必及之爾山東道監察御史陸厚繼室李氏克謹婦道以相其夫致能盡心於所職茲特封爾爲孺人服此榮恩永光閨闈欽哉

國朝

諭祭誥封夫人鮑敬母張氏勅

康熙十九年

勅曰朝廷弘錫類之恩典均存歿臣子著靖共之節榮被親闈爾張氏乃山西大同總兵官鮑敬之母爾子歷

任有年勤勞厥職克承家訓宜首彝章諭祭特頒以光
泉壤爾靈不昧其欽承之

諭祭鑾儀衛鑾儀使鮑敬勅

康熙三十五年

勅曰鞠躬盡瘁臣子之芳踪卹死報勤國家之盛典爾
鮑敬性行純良才能稱職方冀遐齡忽聞長逝朕用悼
焉特頒祭葬以慰幽魂嗚呼寵錫重壚庶沐匪躬之報
名垂信史聿昭不朽之榮爾如有知尚克歆享

賜贈屯營縣教諭馬克述父馬瓚并母

賀孫氏制

雍正十三年

九月

制曰任事需才稱職志在官之美馳驅奏效報功膺錫
類之仁爾邑庠廩生馬瓚乃山西潞安府屯留縣教諭
馬克述之父詩書貽謀義方著範弓冶克勤於庭訓箕
裘丕裕夫家聲茲以覃恩賜贈爾爲修職郎錫之勅命
於戲肇顯揚之盛事國典非私酬燕翼之深情臣心彌
勵

制曰奉職無愆懋著當官之績致身有自宜酬令母之
恩爾山西潞安府屯留縣教諭馬克述之前母孫氏淑
範載揚德音克嗣溫恭著美於蚤歲慈惠貽休於後人

所州紀元
卷九
三
茲以覃恩賜贈爲八品孺人於戲賁象服之端嚴誕膺
鉅典錫龍章之渙汗永播德音

制曰佐庶司之經理爰獎通才勸百爾之孝思用彰慈
教爾山西潞安府屯留縣教諭馬克述之前母賀氏德
可型家恩能裕後慈範式昭於厥嗣榮光宜及於乃躬
茲以覃恩賜贈爲八品孺人於戲師賢母之風勵茲清
白沛熙朝之命垂此徽音

制曰羣工師濟旣懋績之克昭母氏劬勞渙明綸而宜
逮爾山西潞安府屯留縣教諭馬克述之母郭氏婦德

克諧母儀丕著挽鹿嫺宜家之訓和熊預寶國之才茲
以覃恩馳贈爾爲八品孺人於戲加閩內之殊榮用酬
願復沐天家之曠典永賁幽潛

貽贈平遙縣訓導鄭宗姬父鄭鼎并母劉氏制

雍正十三年九月

制曰設官分職昭器使之無遺錫類施仁嘉蒙恩於伊
始爾鄭鼎乃山西汾州府平遙縣訓導鄭宗姬之父秉
心醇樸飭行端方教誨懷式穀之勤政事本貽謀之善
茲以覃恩馳贈爾爲修職郎山西汾州府平遙縣訓導

錫之勅命於戲一命得以逮親遂膺曠典庶政期於稱職永荷榮光

制曰登皇路以馳驅忠原本孝入庭闈而侍奉嚴必兼慈爾山西汾州府平遙縣訓導鄭宗姬之母劉氏性本和柔飭衿鞶於閭內教惟勤慎紆章服於庭前茲以覃恩貤贈爾爲八品孺人於戲所親邀優渥之恩勉圖懋績有子効靖共之誼永表芳型

貤贈興縣教諭張鶴齡父張灝并贈母嚴氏封母

談氏制 乾隆十六年十一月

制曰任使需才稱職志在官之美馳驅奏効報功膺錫
類之仁爾張灑乃山西太原府興縣教諭張鶴齡之父
雅尚素風長迎善氣弓冶克勤於庭訓箕裘丕裕夫家
聲茲以覃恩馳贈爾爲修職郎錫之勅命於戲肇顯揚
之盛事國典非私酬燕翼之深情臣心彌勵

制曰勛勩奏績膺寵命於朝廷渙汗敷恩闡幽光於母
氏爾山西太原府興縣教諭張鶴齡之母嚴氏懿儀不
忒慈範彌昭諧早歲之倡隨啓後人之昌大茲以覃恩
馳贈爾爲八品孺人於戲播芳型於彤管有命自天賚

嘉寵於黃墟永綬厥祚

制曰奉職無愆懋著勤勞之績致身有自宜酌鞠育之恩爾山西太原府興縣教諭張鶴齡之母談氏淑範宜家令儀昌後早相夫而教子俾移孝以作忠茲以覃恩賜封爾爲八品孺人於戲賁象服之端嚴誕膺鉅典錫龍章之渙汗用表榮施

賜贈山東臨淄縣知縣張鶴齡祖父張缺鏐并祖

母

王

韓氏制

乾隆二十六年十一月

制曰考績報循良之最用獎臣勞推恩溯積累之遺哉

揚祖澤爾張鈇錄乃山東青州府臨淄縣知縣張鶴齡
之祖父錫光有慶樹德務滋嗣清白之芳聲澤流再世
衍弓裘之令緒祐篤一堂茲以覃恩馳贈爾爲文林郎
錫之勅命於戲聿修念祖膺茂典而益勵新猷有穀
謀發幽光而不彰潛德

制曰册府酬庸聿著人臣懋績德門輯慶式昭大母芳
徽爾王氏乃山東青州府臨淄縣知縣張鶴齡之祖母
歲誠揚芬珩璜表德職勤內助宜家久著其賢聲澤裕
後昆錫類式承乎嘉命茲以覃恩馳贈爾爲孺人於戲

播徽音於彤管壺範彌光膺異數於紫泥天府永邵
制曰嘉績聿隆於報最奕世蒙庥慈徽載著於貤封重
闡集慶爾韓氏乃山東青州府臨淄縣知縣張鶴齡之
繼祖母珩瑀傳芳蘋蘩濟美溯貽謀於闔則繼美益彰
弘錫類於朝章推恩並厚茲以覃恩貤贈爾爲孺人林
戲鸞書賁彩普昭一體之榮施馬鬣揚休永表重泉之
遺澤

贈山東臨淄縣知縣張鶴齡父張灑并母

嚴氏制

乾隆二十六年

年十一月

制曰求治在親民之吏端重循良教忠勵資敬之忱聿
隆褒獎爾張灝乃山東青州府臨淄縣知縣張鶴齡之
父禔躬淳厚垂訓端嚴業可開先式穀乃宣猷之本澤
堪啓後貽謀裕作牧之方茲以覃恩贈爾爲文林郎錫
之勅命於戲克承清白之風嘉茲報政用慰顯揚之志
昭乃遺模

制曰錫類揚休恩不殊於中外循陔追慕情無閒於後
先爾巖氏乃山東青州府臨淄縣知縣張鶴齡之前母
家風肅穆內則嫺明瑀珮猶存睠芳型之未遠栝捲如

故欣鉅典之方膺茲以覃恩贈爾爲孺人於戲圖史有
聞欲報寸心於宿草彝章丕煥用弘厚澤於新綸

制曰朝廷重民社之司功推循吏臣子凜冰淵之操教
本慈幃爾談氏乃山東青州府臨淄縣知縣張鶴齡之
母淑慎其儀柔嘉維則宣訓詞於朝夕不忘育子之勤
集慶澤於門閭式被自天之寵茲以覃恩贈爾爲孺人
於戲仰酬顧復之恩勉思撫字載煥絲綸之色永賁幽

潛

贈太原縣教諭王爾遠父并母霍氏制

乾隆二十六年十一月

制曰任使需才稱職志在官

馳驅奏效報功膺錫

類之仁爾生員王知乃山西太原府太原縣教諭王爾
遂之父雅尙素風長迎善氣弓冶克勤於庭訓箕裘丕
裕夫家聲茲以覃恩馳贈爾爲修職郎山西太原府太
原縣教諭錫之勅命於戲肇顯揚之盛事國典非私酬
燕翼之深情臣心彌勵

制曰奉職無愆懋著勤勞之績致身有自宜酬鞠育之
恩爾霍氏乃山西太原府太原縣教諭王爾遂之母淑

範直家令儀昌後早相夫而教子俾移孝以作忠茲以
覃恩馳贈爾爲八品孺人於戲賁象服之端嚴誕膺鉅
典錫龍章之渙汗永播徽音

馳贈孝義縣訓導王製父王永泰并母席氏制

乾隆二十六年

十一月

制曰任使需才稱職志在官之美馳驅奏效報功膺錫
類之仁爾王永泰乃山西汾州府孝義縣訓導王製之
父雅尚素風長迎善氣弓冶克勤於庭訓箕裘不裕夫
冢聲茲以覃恩馳贈爾爲修職佐郎山西汾州府孝義

縣訓導錫之勅命於戲聲顯揚之盛事國典非私酬燕
翼之深情臣心彌勵

制曰奉職無愆懋著勤勞之績致身有自宜酬鞠育之
恩爾席氏乃山西汾州府孝義縣訓導王製之母淑範
宜家令儀昌後早相夫而教子俾移孝以作忠茲以覃
思馳贈爾為八品孺人於戲賁象服之端嚴誕膺鉅典
錫龍章之渙汗永播徽音

言文

請西山添設巡檢詳文

國朝署

知州雷

暢井人

為請設巡檢以靖地方以清

國課事竊惟臯州地處

海外界連本府之大同懷仁渾源山陰并代州之繁峙

武府之寧武及朔平府之朔州平魯左雲右玉等州

接壤交錯最易藏奸而去州寫遠逼近口外最難稽

查者尤莫如安東一衛衛中又有西山一帶二十二村

隔越高山大河離朔州平魯左雲右玉山陰等州縣近

自五六十里遠至八九十里不等而離臯州近自一百

二十里遠至一百八九十里不等且深山邃谷羊腸鳥道土著稀少流寓不常地多逃絕糧多逋欠由來已久非一日矣職查向來設有衛官專司稽查尙難保無奸匪之潛藏與錢糧之逋欠繼後歸併入州印官有刑名錢穀之事勢難時時親歷捕官有巡緝之責不能久羈深山弭盜止憑保甲催糧惟藉里差實因鞭長莫及遂至凋敝日深且查閱舊糧州額之民欠十分之三衛額之民欠十分之七糧少而欠多日積而月甚職催科乏

術已於飭行查議積欠等事詳請轉詳在案再四思維

莫若懇請添設巡檢壹員駐劄衛地附近西山等村並
中之地備司巡緝兼清地土以資彈壓令其就近稽查
保甲丈勘逃地着落承糧申詳卑州註冊以憑不時
查併請給以銀柜印串封條就近徵收折色申詳卑州
轉請拆解其本色米豆草束俱令催督赴州交納至於
刑名等事槩不准理庶匪類不致潛藏課賦易於催辦
下吏得藉臂指之力而小民兼省跋涉之苦其於國
計生民均有裨益職身任地方已經一載籌畫利弊莫
此爲最是以不揣冒昧謬陳一得懇乞憲臺鴻裁酌核

題達則感沐高深直與河嶽同其流峙矣

稟帖

覆蘇大中丞通飭校輯誌書稟

國朝知州

吳

炳

南豐人

乾隆三十三年七月十七日接奉本府札開乾隆三十三年七月十三日蒙布政司憲札內開頃奉大人面諭以山陰平魯等縣所呈誌書尚係明季時校輯其中記載語句甚多紕繆不經不倫大屬不合等因飭將卑州誌書是否尚係前明時考訂其誌內紀載有無不倫不經紕繆語句速即詳查明確分別刪改校輯呈請察核仍將接到札飭查明緣由先行稟奪等因到州奉此遵

查卑州誌書係雍正四年前牧蕭綱纂輯並非前明時
考訂其誌內紀載亦無不倫不經悖謬語句似可毋庸
分別刪改但自雍正四年迄今四十餘載一切因革損
益之事不知凡幾若不急為採擇年復一年凡境內應
登紀載事蹟必致湮沒無稽容候職辦公之暇或集高
年紳士諮訪考證或搜故老遺編正訛補缺務期續輯
成帙呈請察核外所有接到札飭查明緣由合先稟開
伏祈崇鑒

覆蘇大中丞通飭興修農田水利等事宜稟

知州 吳炳

乾隆三十三年七月二十七日接奉本府信票轉蒙大
人憲牌通飭興舉農田水利修理道路津梁以益民生
以便行旅頒發水利事宜十二條勉諸有司以職分當
為之事共期為千百世不可泯之人慎勿視為泛常虛
應故事如有因地制宜之策相時度勢之方各行所見
繪圖貼說據實稟聞以憑分派賢員往勘倘稍有粉飾
怠忽并滋生事端者定即按照溺職例嚴叅不貸等因

蒙此職細尋繹仰見大人注念國計民生苦口婆心指陳痛切地方有司苟非木石能不悚惶職現司應牧謹當就應言應謬抒蠹管之見恭候察核伏查三代井田之制方里畫井開溝四尺十里為成開洫八尺百里為同開澮二尋蓋捐膏腴之地損賦稅之入以治溝洫自四尺以迄二尋故能時其蓄洩以備水旱自秦開阡陌廢井田任民佔耕溝洫之制遂以大壞兩漢代興司國計者留心民瘼知井田難復乃因山澤之利引水灌田創為水利之說以代溝洫開澮之制唐宋以來代有訐

文

應州重修學記

金翰林

修撰

李仲畧

高平人

卽學爲廟以事夫子其來尙矣漢唐而下自京師達於
州縣其所以崇奉之道愈久而愈嚴故像宇制度奠祠
規式雖亙百世而不易者也應之爲州雖號居山閒然
爲北道望郡且距都畿不遠非若蜀郡之陋僻其文明
之教不接於京師者宜其校舍之宏麗廟貌之嚴飾有
加而無替也學之興始於後唐自遼之清寧迄於天慶
雖僅加營繕狹隘庳陋殊不稱所以奉事先聖先師之

意然有廟而無學且與古戾國朝奄有區夏垂八十年
干戈藏於府庫庠序布於寰海彝倫攸敘文教燭興大
定乙巳閒同知張侯下車未幾慨然始有修葺之意乃
揆日量地庀工度材興其傾圮易其朽腐益大而新之
且又創爲師生之位祭養之具垣墉之樸斲之工甫就
緒而侯引年去位其蕤茨丹雘猶未暇也若有侯焉耳
明天子嗣位詔天下學校增弟子員置儒林官月課歲
考勵勤懲惰作養士類仍命守臣以文致身者提舉學
事節度王公以年高德邵由北京通守來領髦節奠謁

謨其大要不外興水利除水害二策興水利者先期蓄
蓄遇旱澆灌恆賜不致成災除水害者開濬水槽預備
宜洩霖霖不虞漲溢二者似屬分途而其實水槽深通
潦可免浸漫者旱即可免焦枯是除害卽所以興利二
者殊途而同歸也應州東西北三面地俱平坦惟南面
層巒疊嶂地勢更高東有渾河發源渾源州之神頭村
由州屬寺家莊入境經安樂營過南柳會等村計行州
境六十二里至大同縣之小長城出境西有桑乾河發
源馬邑縣之洪濤山過山陰地方由州屬梁亭村入境

經北賈寨過屯兒莊等村計行州境四十七里至大同縣之小村兒出境職親加踣驗渾河兩岸田地俱較河身高三四五六尺不等桑乾河兩岸田地俱較河身高四五尺至八九尺不等此二河者雨缺則細流如帶不能上引入地連雨則驚濤急漲閒或漫溢兩岸或倒灌小溪然亦隨漲隨落不崇朝而歸槽安貼伏讀鈞諭有云地高不可爲渠鮮有收河之利者正此類也南路靠山一帶山脚下胡峪馬蘭峙峪大山門小山門茹越小石大石北婁等口俱有泉水流出時當無雨不甚旺近

山村莊各築壩阻水澆田離口稍遠者槩不得霑其利
一遇大雨時行地嫌水多卽拆壩放水以鄰爲壑下游
咸受其害水少則爭之不來水溢則措之不去總由向
來未開官渠聽民各自逐段踞佔以致渠不貫通水無
歸宿水縮之時尙有近山數村得專壩水之利而北面
村莊少雨則受旱乾之害連雨則受淹浸之害及今不
治年復一年不止爲患田廬勢必致商旅阻滯驛遞稽
延誠不可不亟爲籌算也職遍歷諸口逐細跟查詢問
紳士耆民有舊渠湮沒者如大石口一水經過張家寨

城下莊等村向有舊渠今復佔種禾稼阻塞水道應循照故址開挖深通也有舊渠短窄者如胡峪口一水除下曠望岩二村有渠外下流大西頭以北卽散漫無歸常虞漲溢今應接連挑濬也有應徑入桑渾二大河者如北婁大石之可以直趨渾河茹越小石胡峪之可以直趨桑乾是也有應由小溪折入大河者如峙峪山門馬蘭等水俱可由鹽河入桑乾是也各水情形不一均宜官爲經理再搜查歷年分水應案有一日中按時分灌點香爲度如北婁等村之分用北婁口水是也有一

月中按日四六分灌周而復始如南曹山上乾港之分
用茹越口水是也有數年中按年分灌周而復始如南
曹山上下乾港之分別二年三年輪用時山口小山門
等水是也蓋由山口水泉微細村落繁多勢難遍溉
只近口數村自立渠壩專利已久均有歷任府州斷
存據此時官爲接連開渠引入大河將來卽遇連雨漲
發各自安流不致溢出爲害並請飭近渠村莊除前經
官斷原有舊壩外其餘只許自開支渠引灌不許水少
則築壩阻攔水多又拆壩決放貽禍鄰村其渠道所佔

地畝或於合村公地內撥補或遵照奉頒條款勸令得
資灌溉之各地主派量畝分照所毀數目補償如肯情
愿捐輸依例申請旌獎所需人工飯食酌擬勸諭田主
派費佃戶幫工但目下收穫事忙未暇集議請俟九月
農隙後職單騎減從親詣渠道經行處所相度地勢而
同紳衿父老從長商妥辦理仍俟事竣後造冊申報各
衙門備案每年於四月農隙時挑濬一次定爲善後章
程永遠遵行至開井泉挖塘浦等事皆所以備旱潦詢

問土著居民雖據僉稱州境南路地高掘三四丈至八

九丈不等方可及泉底土虛鬆必須磚砌每井一圓須
工本錢約十千上下只可灌地五六畝費多利微北路
地勢畧低見泉稍易又因地多鹽鹹水味苦鹹澆地反
損田苗是以開井甚少塘浦須結實地土方可瀦水應
州沙地十之七八泥土俗稱膠地不過十之二三膠地
價貴留種田禾不肯刨挖塘浦沙地瘠疎滲漏水難停
蓄所以向未開塘等情職誦看水渠之便隨復測量井
水南路近城村莊亦有開二三丈即見泉者北路不近
河村莊亦蓋有水不苦鹹者總之愚民因循怠惰難與

更新觀開渠工程容俟開畢後勸諭確驗井眼淺深
核算本利多寡再行次第興舉境內渾河所過路徑僻
左未設橋梁桑乾河係通山陰懷仁大同等處大道公
文行旅絡繹不絕舊有白堂子木橋一座冬春水落搭
蓋夏秋水漲拆撤職常於拆橋後或委吏目或遣親信
家丁赴白堂馬頭密查遇有水夫刁難勒索等弊卽嚴
拿枷號示懲惟查河路修長只白堂橋一座未免民仍
病涉復於上年春閒勸諭白堂子西二十里之曹娘子

等村居民添建木橋一座以便往來舉州北至懷仁縣

又界者姑蘇三十五里西抵仁交界清水河四十

里西至山陰縣交界李莊三十五里東至渾源州交界
羅家莊四十里南至繁峙縣交界茹越堡四十里道路
俱屬寬平並無坡坂惟兩旁有尚未開溝之處亦請俟

渠工辦畢於明歲開凍時踴看墊修再通循種樹枝葉
垂蔭行人根芟藉固地脈誠爲有益卑州東西南北五
處大路通計有舊存老樹八十五株職到任後於上年
會種一千株本年續種三百五十株現共成活二百零

一株統俟明歲清明前再行補種造報緣蒙詳諭謹先

查明境內河道情形相慶水渠地勢繪圖附說縷細稟

聞恭請訓示統祈崇鑒

請委員暫署吏目事務并報明續開渾河渠道通

稟

知州

吳

炳

前業飭發興修農田水利經理橋道樹株事宜十二條業經職逐細查明繪圖貼說稟覆並請俟九月農隙後舉行在案茲屆碾場事畢之候據渠道經行村莊各報動工日期均於九月初九十一十八等日撥夫開濬此時天氣融和約至十月下旬可以陸續告竣伏查卑州大渠支渠統計近二十條從水口歸入大河自二三十里至五六十里不等各村莊人心不一情偽多端有寔

心感頌憲恩踴躍辦理者亦有不圖永遠利益只各目下小費觀望延宕者有因估損糧地或兌換有虧或酬價未足藉詞阻撓者有慮日後淹漫或稱逼近堡牆或稱緊靠墳廬出頭控理者職恐因此耽擱以致地凍難開遇有此等爭訟立刻馳詣該處相度地形委曲開導懲勸兼施務令衆情平服不致停工惟是渠多路遠頭緒叢雜職一人難以分身兼顧竊計事有曲直必須印官剖斷者未敢違例濫委其推諉延捱等類似不妨分遣佐雜查催趕辦但卑州只佐雜二員吏目李珍煦已

於七月內丁憂奉委職兼攝捕務安東司巡檢許靈駐
扎水泉村離州城一百四十里亦各有差征職掌難資
臂指之助查本年七月分選單卑州吏日雖已銓補有
人到任尚遙無期可否仰懇鴻慈就分等試用佐雜內
遴員暫署卑州吏日事務倘此缺已經大人咨補有人
或飭卽日赴任令得協同料理尤易觀成統聽憲裁再
稟者卑州桑渾二河兩岸地高水低難以引灌地畝亦
經職跡勘稟明繼復念孟子論水有云激而行之可使
在山大人憲檄亦有急則激取等諭意河岸自四五尺

以上自難資灌溉之利其二三尺上下者若乘奔流湍急之勢砌堰激行似亦可上流入地因出示招募熟識水性素慣開渠打坦之人茲有榆次縣民李芝紹等應募來州稟請試驗職勸諭渾河東岸之北馬莊民趙官等擇河勢轉灣流急處試挑一渠已於八月底引水到地鄉民聚觀漸知激水之法現復有渾河西岸之柴家莊客民宇開翰等相繼照辦亦經開就一渠惟緣秋深水落坦力緩弱勢難上送須俟明年春夏漲發坦水洶湧方可上灌獲利職看此情形大約桑渾二河可以開

渠處尙多百姓亦輾轉傳佈爭相習學應州地土瘠薄
荒蕪滿目總視此二渠明年得有成效則沿河各村羣
起辦渠不待地方官教督自莫不鼓舞爭先行見曠土
悉成膏壤享水田之樂利者將頂感於弗諼矣

文

應州重修學記

金翰林
修撰 李仲畧 高平人

卽學爲廟以事夫子其來尚矣漢唐而下自京師達於
州縣其所以崇奉之道愈久而愈嚴故像宇制度奠測
規式雖亙百世而不易者也應之爲州雖號居山閒然
爲北道望郡且距都畿不遠非若蜀郡之陋僻其文明
之教不接於京師者直其校舍之宏麗廟貌之嚴飾有
加而無替也學之興始於後唐自遼之清寧迄於天慶
雖僅加營繕狹隘庫陋殊不稱所以奉事先聖先師之

意然有廟而無學且與古戾國朝奄有區夏垂八十年
干戈藏於府庫拜序布於寰海彝倫攸敘文教燭興大
定乙巳閒同知張侯下車未幾慨然始有修葺之意乃
揆日量地庀工度材興其傾圮易其朽腐益大而新之
且又創爲師生之位祭養之具垣墉之樸斲之工甫就
緒而侯引年去位其既歿丹雘猶未暇也若有侯焉耳
明天子嗣位詔天下學校增弟子員置儒林官月課歲
考勵勤懲惰作養士類仍命守臣以文致身者提舉學
事節度王公以年高德邵由北京通守來領髦節稟請

之始裴徊瞻顧思有以成張侯之志於是布恩澤宣教
條理寬信善剔弊扶蠹未期月而政平遂日至學舍訓
誘諸生導其未至且語其所以修飾之故一皆不及於
民捐廩入以僦工役解左駢以運餽甕夙宵一心暑雨
不懈心計口授各有程式至於藻井板幕綵繪一新墼
城累甃平直如削兩廡從祀籩豆簠簋按之禮圖靡不
完潔東廊之南別構大堂以時講肄下至庖湔莫不有
所皆前此未有也又總費幾七十萬億道之興廢繫乎
世事之顯晦存乎人惟張侯克育其始惟王公克成厥

終殆有數焉友人孟德潤昆弟同年高巖夫皆應之聞
人也具道其故且命志其事若夫經畫之始已具
敬甫之記茲不繁敘嘗聞云學者學聖人之道者也豈
徒誦說其文而已哉先王之時射鄉食饗養老賓賢以
至獻囚獻馘無不出於學者嗚呼去古遠矣先王之道
所以得傳於後世者惟學存焉曩時垣宇蕪廢鞠爲芻
牧使承學者無所庇而爲之師帥者又且恬不爲怪或
齷齪細謹或耽樂宴遊至於公署頽毀而畧不加葺尚
奚及於學校哉今而後將見郡之俊秀鼓篋而入者

弦夕誦嚚瘳聖真明先王之道其緒餘土苴猶能優取
科第以備朝廷百執事之選如剖荆璞而得玉入滄溟
而求珠隨取隨獲而無匱者皆自二侯始故喜而爲之

書

應州儒學科貢題名記

明知薛敬之
州人

僕膺命守應之明年以學頽而復之適畿南霍君以
訓導署學事撮其學之人才鼻我皇明有天下來科自
王禮等貢自張瑄等品題其名欲勒於石以爲學之士
勸亦以勵將來而風百世下使之聞之知所感發興起
以繩百世之上之人之材表郡土之風俗見山川之秀
麗盛舉也率弟子員來請記僕本終南人誤蒙甄拔守
茲上蚤霍之請事雖微有裨教方時雖近有關世紀義
不容辭乃爲言以記之曰名者天地閒之媿器造物者

深忌之得之者必神有以會山嶽氣有以合貞元材質
之良德性之醇不則僕不知其所以然以是孔子有沒
世不稱名之疾孟子發五百年名世之譽由是論之名
其善之謂歟名不由科無以見闕博碩大之才不由貢
無以見鄭重老成之意楊龜山謂科目未必得人豪傑
之士由此而進使百世之下入斯學讀斯石某名而爲
卿相其輔毗天子爲何如某名而爲藩臬某名而爲牧
伯其承流宣化爲何如某也廉某也忠某也惠某也貪

某也酷某也罷必各有所藻鑑其高下差等豈能逃乎

人之耳目哉然名非獨名也蓋可欽可慕可怒可外者
係之矣若斯霍之舉豈小補云乎哉特揭諸石以詔
來後凡有銘者彷彿諸前題

應州建學宮二坊暨射圃記

明 闕 名 州

粵惟吾應碩輔鉅卿今昔輝映國家建學儲士卓有成
效往昔守應諸君歷皆海內名雋靡不知崇先師惠後
學爲急務故凡殿庶堂舍傾則起之敝則新之亦庶幾
哉美矣惟學宮外址僻在城隅蕩然一曠區任牧汲者
往來踐踏規度似少尊嚴觀瞻未雅邇來甲第雖稱不
乏視昔若弗逮焉論者多委咎於茲萬歷庚辰冬薊門
陳君盾來守是郡首卽議修時謁於力而有待壬午秋
督學徐公慨禮射廢而士無全才爰命有司置射圃倣

古建序習射之規陳君遂祗承其意而推廣之立一圃於堂東之隙題其亭曰觀德建兩坊於黌門之側標其宮曰大成宮以外繪壁以相映設垣以相環而又濬乎池廣乎植依稀乎杏壇鳶魚之景趣宮以內悉舉而飭之森然煥然曷加厥昔吁都哉聖道千載一新之盛也庠博士高公彥臣李公充道僉謀勒石以紀厥績旣而高公以遷官去張公進中繼徵余爲紀余曰諸君子知多陳君之績矣抑知所以成其績者乎蓋修學有司事也修己士人事也士知修己始於有司修學之心爲無

之宿也可徒外望己乎過圃則曰正己者學之的也可
徒揖讓己乎對壁垣則曰屏翰者學之用也可徒面牆
己乎臨所濬而思以浴吾德觀所植而思以樹吾德入
門而觀殿廡思與聖賢爲徒升堂而聯師儒思以德業
相砥礪允若茲則修己之道矣他日出而爲朝廷用也
大之廟堂以康四海次之藩臬以綏一方小之而澤乎
一郡一邑巍巍勲業比隆前哲悉於陳君之修學啓之
厥績不益偉且烈哉不然是修也徒侈一時之觀望焉

爾負陳君之盛舉多士有餘媿矣余僭立言固將紀陳君之績垂諸有永敢因以明體適用之學爲吾應士望是爲記

應州新修鐘樓記

明山西
參政 王一盛 韓人

應州之域左襟太行右帶桑乾堯典曰朔方禹貢曰冀州今雲中之勝地省內之名郡也軍民參伍邊疆咫尺非素有才名者可勝其任耶吾關中薛君敬之顯思以貢士來知郡事歷三載餘每斲菜自如戴星不倦吾至其地矣吾見其政矣及別河梁之後則遺芹泮弟子員劉汝楫合澄輩以書謁曰州自國初以來無鐘鳴晨夕者寄西佛宮寺久之以故器擲諸隙地敬之慮上下無警以小鐘易之考鑄記肇自大金明昌二年治斤重數

千宜懸之佳處乃伐木搏埴舩樓治東過街三十步有
奇週圍十丈高六十尺正當城之中巍乎煥乎爲州之
望先是少叅徐公適按冀北寓是郡數月播民和而咸
勸之鳩工於成化丙午落成於戊申之秋處置自公民
不告勞願徵文以紀其事予惟致治莫先於正時正時
莫要於鳴鐘蓋鐘以正時時以作事事不以時民罔知
敘顯思之舉闕典觀視之美云乎哉方其日之未出時
維晨矣雞乃鳴矣則擊鐘以警之而趨其事及其日之
既入時向夕矣犬乃吠矣則擊鐘以省之而息其體凡

東之作南之訛西之成朔之易士之學農之耕工之器
商之貨與夫三事六府之修綱紀文章之布不先時而
有為不後時而不為郡屬之政賴有裨益在乎人之作
為者何如記謂小叩之則小鳴大叩之則大鳴今鳴之
一郡鳴之屬邑特小叩之而已其益殫厥力而大叩之
俾聲名洋溢鳴聞於千里之遠不安於小成不狃於近
利枳棘非鸞鳳所棲蛟龍豈池中之物乎予因作記而
述之如此并繫以詩曰惟應有州一麾出遊食君之食
憂民之憂地近邊陲居雜戎伍娛以琴鶴馭以銅虎汲

汲身心展盡才思當務之急除害興利慮不知節浮屠
易鐘建樓治左候爾成工瞻彼斯樓東西孔道形勝我
我聳出穹昊非曰觀美在正厥時以敷政教晨昏定之
保障藩籬振作是賴紀績於石永示警戒五馬驂前再
留一年著祖述鞭動九重天

重修北極真武廟記

明兵部
主事 霍希夔 州人

元帝廟建於天下雄於武當盛於北方蓋取其威武掃蕩之意所以葺皇圖而衛萬姓也應城北面我明天順間建立是廟既而歷年滋久棟垣漸圯丹堊漫滅且宇址卑小違者遊於是慮罔不興董修之志嘉靖丙辰歲都憲揚公來撫雲中修諸郡邑而應郡適當諸郡之衝特委指揮魏君宏會同郡守徐君衡守備高君良臣營工於斯經作將興即有事於廟周覽徘徊慨然曰廟宇不飭何以安神靈敵臺不增何以保黎庶營工之責

孰有大於是者於焉謀及鄉士相與贊成役及廼僚令
其分治由是官鳩乎役民施乎財工聚乎肆不期月而
臺趾告成不數月而殿宇完美正殿高增三間所以廣
規制也廊房新建六間所以輔偉觀也其傍則羽以茶
房四間所以藏秀麗也其前則添以鐘鼓樓二座所以
備焚祝也其他門樓三座牌坊二架與夫階級之堅牆
垣之固無非所以壯輪奐而昭米蔚也止處雲煙金光
輝耀誠一方之勝槩也士人僉悅曰美哉雄哉厥功偉
哉予則以為召伯營廟尹氏稱之魯侯作泮詩人頌之

今誦其言而味其意非直爲觀美也以其有裨於世也
以其有益於民也矧吾應恆嶽峙壁桑乾濠潮龍首岐
嶷於東北鴈門峩峩於西南平川廣野在昔漢唐號稱
用武之地向來浩曷未緒屢爲民患誠宜早有所備以
防其未然者惟茲廟宇之增敵臺之築則神有所倚以
爲安城有所恃以爲威民有所賴以爲固矣是以年歲
獲豐登之慶而民皆安堵無虞揆厥所由僉曰諸公營
工之力也諸公不有而歸之都憲都憲曰不然而歸之
神明至於神不可得而知也傳曰明有禮樂幽有鬼神

天道人心同條共貫也審矣明則有人而謂幽不有賴於神之妙運叅贊者是誣也此則修斯廟之意也是爲

記

應州題名碑記

明山東
副使

李翰臣

大同人

夫古者建官司職官必有廡題名必有記所以甄別淑
慝激揚先後非虛設也應州爲古代朔雲滹關外數州
之地附郡雲中接壤沙碛邇來戶口漸以繁行政務殷
劇往歲陝右徽州郭君分符來主是州今四載矣州事
大治遠近俱稱賢守上下胥說神人以和四境寂然烽
烟久息蓋自渭南薛州牧以來文章政事僅兩見也一
日以書請余謂應自州治以來題名缺記敢請大筆以
紀歲月余惟古人有事必書如燕然碑勒鴈塔名題皆

所以紀一時之盛爲百世偉觀矧一州百凡民物關係
題名豈可無記耶書曰建官惟賢又曰官不備惟其人
應州自國初以來爲牧者若干人始於陳君迄於郭君
歲月有久暫政事有臧否官况旣殊顯蹟頓異存於甲
開鄉評之口輿情允協後之人必將有指議而稱道之
者余於此復何贅哉公命爲記不敢辭謹述其大畧如
左

重修關帝廟碑記

國朝左光圖州人

余嘗遊洛中有關帝塚居洛水之南祠宇巍峩壁垣高
廣不勝仰止欽崇之意乃漢唐迄今之故址也凡海內
之祠宇不知其幾千區卽廟貌之嚴百倍於此非若塚
之爲棲靈地也雖然帝以漢室之良英靈萬禋慧眼普
照乎寰區神馭日周於九域寧擇地而降臨哉凡以人
心一念尊親神卽昭格焉耳攷郡乘應城之內外建祠
有三而南門甕城內其一區也想改城後實始基之厥
後重修者不知其凡幾猶及見明之萬歷州尊徐公恢

大之高其殿庶大其門坊建樂樓於南樓行宮於北旣
云盛矣亦有年矣終是坐向殊方威靈不肅兼之日往
月來塵侵漫漶凡簷楹甃砌之閒日就頽敝多矣以故
傾圮者無復覩昔日之莊嚴而陳祀者因而動目前之
感慨延至甲申則鼎革之順治初年也乙酉歲鄉耆高
如蕩等慨然有修葺之思恐時丁多事或功隳於浩繁
或力阻於勸助不無半途之慮未幾量日庀才鳩工集
事半取給於舊植而緣輸湧至啓大門築臺基移樂樓
於甓城門外與正殿對不一載而丹堊金剝靡不撤而

新之規模弘敞視疇昔什倍之矣母亦妥神祇永百世者實式憑之無何戊子己丑之冬春閒鎮城造覺人心洶洶重門巖扃闐其無人忽於雪夜中著有馬跡州人異之果而渾朔屠城應得無恙奇哉余獨以爲帝之何私於人也凡我州人覩茲靈異其當修省以迓帝眷者何如其當惕厲以答天庥者何如語曰天道無親常與善人旨哉言乎則帝之赫赫降靈者又在氣數亨屯之外也茲當落成勒石之日雖序其營修之功德而不能不傳其明威之靈佑也因並及之

夬州儒學重修碑記

國朝大同
府推官

沈曾霖

湖廣人

蓋嘗讀復旦之歌矣古聖王光演大業莫不闡弘道與
詩書之氣蒸於日月故曰觀乎人文以化成天下禹貢
紀物產不紀人材人材者由乎上之教也良有司亦旣
握一符分縣官井牧而講席寄嘆於鹿場神龜不集於
萍沼將無刺彼城闕哉今 天子誕敷文命薄海內外
胥奉文教先是已勅大宗伯祀修闕里下觀而化殆其
身之矣昌黎曰社稷以功夫子以德則夫興學勸士誠
司牧事也應固古金城地龍茹諸峯孤岫插天際而桑

乾一帶水更環繞東注自榮國兌齋以後代不乏奇人
焉卽戊子之變嬰城向義獨異諸州所謂鄒魯絃誦非
耶歲甲午予乘傳過應入其疆穀人足於晝絲人足於
夜香澤足於賓蜡盼蠻暨伏墀拜廡下又復塗圯丹堊
犁然具備嗟乎秦火之餘魯壁鞠茂草矣誰司是而輪
奐至此諸士藉藉曰我張侯力也侯之蒞茲土也上質
不飾恕克周物以康以穀登於黃老採風者至比之渤
海云甫下車卽周視泮水趾趾瓦礫中泫然者久之爰
出清俸百餘金庀材授廩嘉與更新始以十一年四月

凡五閱月報竣菁菁者樂芹藻而翬龍光一日敢忘
哉倚歎鼓篋遜業敦學備矣高山景行鳴琴在室宜君
之夙夜而永終譽也乙未春余再渡桑乾集多士課制
舉執瞻宮着之肅穆慶文章之在茲博士王君道久進
曰請記之以誌不朽余惟大戴氏有言廣土居民然後
興學而魯侯泮宮之什則曰克廣德心李漢之序昌黎
文也亦曰文者載道之器君子豹變集於端質是則刺
史與學勸士之禮乎君遠濟人諱文德字爲之由貢士
先是爲勸揚尹治績卓異今陞是官焉是爲記

應州木塔記

國朝翰林院檢討

朱彝尊

秀水人

軒楹臺榭廣墀複宇游觀之勝苟作非其時侈過其制則春秋書之太史紀之故雖王公之尊不恤其後其民至浮屠之宮竭天下之民力奔走恐後世莫有議其非者吾不知其故也彼其師以虛無爲宗寂滅爲教視支骸爪膚爲不足惜而崇奉其教者願必范金以飾之築宮室以棲之非大惑與然山川城郭必有升聖臨觀之地惟浮圖之制崇高累級出軒楹臺榭之表足以曠覽形勝所在登高明而遠眺望感時賦詩則又君子之所

不廢也去應州治西北百步有釋迦佛塔建自遼清寧
二年上下以木爲之其高三百六十尺州居絕塞之衝
土風苦寒無良材珍木之產一木之運百車牛乃達蓋
遼之君臣恃甲兵之武貢獻納於宋金繪所入動億萬
計宜當日成此不難也遼史載道宗卽位初詔求直言
亦嘗有志經國者迨乎晚節崇尚異教一歲飯僧至三
十六萬人一日祝髮至三千人嗚呼侈心有漸皆是塔
啓之也已土人指予簷端大字凡八係長康二陵駐蹕
時所書其一時游豫猶可想像得之然則登是塔者不

獨盡覽山川城郭之勝而盛衰之故又可感也遂相與賦詩記之同游者三人山西按察司副使前戶部侍郎同里曹公溶江西布政司藝政臨清周君之恆汾州推官大興孫君如銓而饒予文於壁者知州事蓋州傅君登榮也

三

重修城隍廟碑記

知州吳炳

炳

攷禮記天子大蜡八伊耆氏始爲蜡蜡祭八神水庸居
七說者謂水爲隍庸爲城是未有郡縣時城隍之祭從
古已然後世改設郡縣專祀於廟而八蜡之名仍存不
去蓋重其禮也明初錫城隍神以封號在府曰公在州
曰侯在縣曰伯於是被服袞冕設爲禍福生死報應之
說愚夫愚婦刲牲熟幣禱祝彌虔然而水旱災沴求弭
必應其有助牧令政教所不逮者非一端矣 國家崇
重祀典春秋報享有司各以其職修舉勿怠雖荒陬僻

壤廟貌未有不屹然巍煥者應州城隍廟在治西南隅
與泮宮鄰創建之始志缺畧莫可稽明迄 國初屢經

葺治康熙四十四年修後歷六十餘載牆垣榱桷歲久
頽朽予奉 特簡調任茲邦朔望瞻視慨然於心志圖

整理爰捐廉俸爲倡而師儒屬吏紳士軍民間風踴躍
檀施麇集陶甓以片者數萬計鍛灰以石者數千計運
土以車者數百計匠氏引斤圻人操鎡計口授食輻輳
趨事易其朽敗增其缺漏若大殿若寢宮若左右神祠
而門廡而階砌而牌樓樂室丹堊雕繪大踰舊觀

車輿盛冠服堂皇儀衛蔚然有耀計始事至訖六閱月而成是歲也年穀順成民大和會是役也應時興事胥罔怨恫金城風俗之醇 神靈赫濯之威均於是可覘其槩矣用勒貞珉以誌歲月其督工州尉李珍煦衿耆王敏學牛冲虞瑚左成德張侯等與有勞績例得並書

重修白塘橋碑記

知州 吳炳 範園

按周官遂人以土地之圖經田野其中溝洫畛涂川澮之制莫不備具而獨無橋梁之文說者謂五溝五涂莫不有梁無待言而見爾雅謂隄爲梁是也後世井田之法墮而溝洫之制不修獨有水之處皆有橋梁以通行路其制不一有壘石成之者有浮舟聯之者有斬木架之者然壘石浮舟利於東南而艱於西北蓋西北之水奔迅湍激移徙靡常架木之制冰合成而冰泮撤勢固應爾春秋傳謂九月除道十月成梁是也應州桑乾河

源出馬邑洪濤山合金龍池諸水由馬邑南山陰北流
經州西境涼亭村諸處迤邐至白塘村而大其地當宣
雲歸綏之衝仕宦冠蓋農工商旅以暨京府文檄往還
幾於輪蹄交錯值霖雨驟漲既濁濤泮溯轉瞬縮流又
砂礫漫行勢不受艱難以方舟舊於秋深水涸時架木
填土爲橋春暮冰解拆撤令鄉人董其事頗利行旅戊
子秋雨水連綿西岸經暴漲冲塌二十餘丈河面漸寬
所存樁板搭蓋不敷往來阻隔將有病涉之虞爰捐廉
俸購買木植增修而遠近矜耆亦願協力鳩工富者施

其財貧者効其力無待董勸而匝旬告成請予記其事
予謂桑乾河由晉而燕歷十數州縣至盧溝橋滙衆流
而歸於海其間橋梁建設不可勝數而第一橋起於白
塘村此邦之人能審輕重緩急不惜財而濟及賓旅使
往來者無臨淵裹足之嘆以視捐有用之金錢邀福於
浮屠老子之室者相去蓋天淵矣而予忝司應牧枉梁
旣成車徒之輦互亦得藉以告無罪云遂援筆而記始
末於碑陰

知非錄序

國朝刑部
尚書 魏象樞 秦州人

知與行是一乎是二乎竊嘗疑焉自姚江倡爲致良知之說其於大學之致知格物猶未大失也惟當日及門之士頓悟者多謬謂朱子卽物窮理爲支離之學而以沿門持鉢鄙之俾一部大學幾墮禪窟中余每聞至此未嘗不廢書而嘆也應州左翼宸先生著知非錄一帙寄余商訂三百里之遙如同堂焉旣卒業知爲先生篤行之事欲然若不自足者筆之於書一以自勉一以勉人也余維大學所謂格物只在天理人欲處格之卽物

窮理正孔門真派今觀此錄自立身行己以至待人接物之閒步步踏實務去人欲合天理而止知病卽藥知非卽是此卽先生耄年好學實錄也四十九年云乎哉昔陳布衣云眞能知之則行在其中矣余反一語曰眞能行之則知在其中矣因附先生道誼之末不敢以過譽聞願與先生共勉之

鮑氏家譜序

國朝翰林院編修 吳珂鳴 武進人

鮑氏之來自黃帝時有相臣隕邱子孫若鮑煇鮑愷顯於虞夏迨至敬仲食采於齊子孫衍於山左漢鮑宣以後多聞人迄勝國而理學經濟顯於公卿閭者尤班班不勝指顧世傳新安鮑氏爲望族大江以南誇門第者咸以爲甲余家亦有新安派固與敦梓好世爲年誼云今雲中鼎盛則爲新安所不敢望溯其先有孟輝先生者官指揮使以武功世襲應州而門閥已大生經綸公宏治甲子登賢書爲靈壽令有召杜聲文武濟美傳至

應州新志 卷之九
三
士名公獨以隱德著再傳崇德公官驃騎繩祖武皆以
坐菴公貴贈極品坐菴公當明神宗時襲世爵嫺韜畧
仁勇邁倫特縮將印守開原當宁倚重迨我

太祖神武開基公隱名避跡於遼之首山

太祖徵召優禮恩賜特隆

太宗嗣位擢內院參贊密勿掌冢宰黜陟銓衡功施爛焉錄
各處勦撫軍功授世職

世祖入關召問治道備陳新政

上欲命公經畧東南遽以疾卒時論惜之公始生丈夫子五

人而子孫繁衍內外居津要者纍纍若若僉誦公之德
昌熾無疆也余始通籍備員史館卽因中堂甯老先生
獲交於懷德公及其金昆禹思麟遇後又過中州得觀
濟字公細柳軍容慷慨投分與君家廿年世好無閒今
適以視學巡天雄而重光世翁適典郡守朝夕共事尤
相友善因出其家乘謂余交於其叔姪兄弟至深非余
不能譜其雲礽之畧也余爲披其系而愾慕焉蓋開國
承家原無二理上天挺生命世之人以光前而裕後必
功在社稷澤流生民世之食其德者厚而斯人之食報

於矢者始奢觀堊菴公佐

命三朝耆定勲庸希踪尙父並軌方叔宜其燕山五桂駕於
竇氏而文經武緯焯爍於時卽今濟宇公以元戎總方
畧麟遇以臺諫名柱下而重光昆仲以良二千石顯於
南北赫赫有聲行見治最報狀勲秩咸未可量則萬石
家風又自重光而再衍厥緒也新安素稱望族藉雲中
而益永哉觀斯乘也繼此書爵書氏史不勝書當以余
言爲質

循吏田公傳

明吏部
尚書

孫丕揚

官人

余讀耀州志計明興以來知耀州可稱者先後僅五六
公洪武時則魏公必興暨高公永登成化時則鄧公眞
宏治時則任公奎魏係聖祖潛龍故人當天造初拔戈
闢草萊諸所創置悉備高積穀至萬石鄧修渠建學積
穀益多任尙精核爲吏民畏服至正德末始有應州田
公天澤云按志天澤應州人正德十二年任會武廟幸
榆中自撫按太監三司皆馳往榆中天澤諸供應甚簡
太監索重賄又堅不與時有宜備聖駕供需天澤度聖

駕必不來不厚爲備百姓無科擾一時甚賴之嗟乎此
三石先生特筆也豈易得哉然揚以爲前四公者誠循
吏大都居常無事政由己出似無難者若田則碩果之
時諸闔用事乃名爲備之而實無所備有如聖駕猝至
豈惟官罷卽身且不保矣爲百姓故不有其身故揚以
爲田公難矣揚富平人也萬歷丙子以請告家居屬公
之孫甲戌進士蕙者仕爲蒲城令蒲城與富接壤揚所
居里又於蒲比鄰久之與蒲尹交善乃知公舉宏治十

以備城多陷公令民急斬定興城城峻削壁立不可上
又令民製甲時倉卒不能具鐵甲乃以己意取鞋底鱗
次綴之使善射者數千百人衣鞋底甲守城上未幾賊
大至然城已可守矣及攻城賊仰射城上人城上人以
鞋底甲故卽中不傷且益得伺便射賊又以沸湯澆賊
面賊多被創於是賊計城不可攻悉引去定興以全定
興父老咸德公欲爲公立祠公固辭不許尋陞上林苑
左監丞又二年陞爲耀州已而丁外艱服闋起補官乃
疾作蕭寺中竟不起夫聖駕之備大約非數千金不止

也此其費非有官庫中錢也無已則惟取之菜色貧民而已聞他郡縣有能名者或借以爲名而因以漁之者矣公之屹然不動卒以無他視他郡縣豈眞賢不肖殊哉耀州人至今猶言公性質直廉介視民如子事不便於民者輒力白上官必得請乃已故爲州人圖利害者無如公去後州人思之舉入名宦祠歲時奉祀以報公功德先時公才望駸駸他郡縣上逆瑾聞之欲收使附己公喟然却之瑾敗抄其籍凡濡迹瑾門者皆敗公獨超然無染天下以此益賢公而公卒矣公有子曰維魯

貢入太學以子蕙貴累贈至通議大夫其孫卽前蒲城
尹今銀臺納言君也納言君昔爲關中賢令第一其自
語嘗曰吾之於蒲城安能如我祖之於耀州萬一故觀
於納言君而定知其爲賢者之後且益可以見公也孫
子曰余自留都來近見納言君於京邸則問其家世故
知田氏之興也蓋自其曾大父云大父公名盛爲郡庠
增廣生家有傭能賃酒舍客時有平陽糧長十數人者
舍其傭其牀頭有糠困焉一糧長醉枕所囊三百金卧
牀上以醉睡熟金漸墮困中弗覺也旦起十數人者行

亡金者亦行計惟同行者攜之矣及輸官始知金亡亡金者欲死十數人者慰之共貸金輸官於是亡金者得不死乃公則先從困中見金知糧長所亡也追之度其去已遠且封識待還未幾亡金者與同行十數人復歸舍其傭見其處太息言亡金事公笑曰若金何亡亡在吾困耳遂盡以囊金還之亡金者欲以半謝公公笑曰一半孰與二百多也固却不受亡金者乃設醮於神頌公德三日而後去已又以十銅佛來奉一時人大驚異越三年耀州公與弟天濟同舉於鄉弟天祿起家亦

富而耀州公官監丞也以考績得贈太公如其官人以
為天道與善之徵不爽乃耀州公惠愛百姓若此而官
不稱德宜其有納言君矣而納言君今且有丈夫子也
其為耀州公後又雲仍濟濟多而且賢也語曰積水成
陂積土成山田氏之火吾知其未艾也已

明故資德大夫禮部尚書石公神道碑銘

明大學士李賢鄧州人

嗚呼吾榜百人三十年零落大半今又亡其一焉大
宗伯石公是也其子居敬致其狀而請焉尚忍辭耶按
狀公諱瑁字信之世居山西大同之雲內父普金富元
季避兵徙居應州遂占籍焉母王氏生子三人公其季
也天性孝友甫十歲時父嬰疾醫以艾灸其腹公即以
艾灸已腹醫驚問其故公曰吾父苦此吾當同之衆皆
嘆異由是為親鍾愛父嘗與諸子裁衣先裁公衣公止

之曰弟不可以先兄也父亦奇之告鄉人曰吾有三子
識見超越莫如此兒乃遣入郡庠為弟子員公奮志進
學不少倦怠親終哀毀踰禮兄持門戶公事之如父一
錢尺帛不入私室兄嘗見公衣破厲聲問之公即跪謝
凡事從兄未嘗違也宣德己酉中鄉科復登癸丑進士
正統改元拜禮科給事中勤慎自勵數奏詳雅獲給勅
命推恩贈父如其官母為孺人已而有以才能薦者遷
授浙之金華知府是郡人民習尚爭訟公明決無留自
是民皆畏服處州寇發勦捕之兵因而掠財傷民公斬

兵士一人乃止民賴以安處人避難來金華者動以千計公憐其饑窘曰皆朝廷赤子也遂開倉賑之俱得全活蘭谿豪吏有徐世揚者奸狡害人莫敢誰何公得其惡狀卽以法除之浦江豪軍有王猛烈者鄉人苦其暴橫目之爲虎公擒繫於獄服罪而死七邑無籍之徒皆斂跡焉數年之閒訟簡公閑景泰辛未公聞祖母喪援例守制鎮守憲臣以軍餉爲急留之壬申遷爲福建右布政使未幾屬公朝覲福寧州雷硯送白金爲道里費曰此舊例也公卻之曰此何爲例自我絕之可也沙縣

多寇衆議築城公慨然董其工凡百所需區畫措置不
勞而集班分役夫以均其力有以私情干者置之於法
期年而成軍民便之有道士妖言者書黃紙惑人捕之
不獲公卽移文各郡禁之遂弭時承兵燹之餘賦稅不
完民有倚以爲奸者公察知其弊民皆懼而完之天順
己卯進陞南京吏部左侍郎是歲冬十一月召至京師
拜禮部尙書公益小心謹慎惟慮才不克位未嘗一日
不警也嘗因疾上疏懇乞致仕上念公忠直老成不欲
釋去已而前疾復作乞輟部事久之不進湯藥子欲禱

讓怒而止之曰死生命也天順六年十二月二十四日
終於正寢距生洪武三十年三月十六日享年六十有
四配郭氏封孺人子男二長早歿次卽居敬爲應庠生
女一人早歿孫男二人孫女二人公爲人剛正挺然不
可撓持身廉介作事不苟義所當爲直前爲之不少回
互處己接人一毫不假可謂侃侃之君子矣訃聞上深
悼之遣官諭祭復令有司營葬特贈資德大夫給誥命
卞以年月日歸窆於州東羅家里從先兆爲之銘曰
士之在世卓然者稀顧惟才德有高與卑嗟彼高者事

業自彰譬之鴻鵠霄漢翱翔嗚呼石公早登甲第敷歷
要津有隆無替相彼應土鍾秀於公曠世一出夫豈易
逢公今已矣名則不朽堅珉有刻垂於永久

明諱贈通議大夫通政使司通政使前貢士敬齋

田公暨配俞淑人墓誌銘

明吏部
侍郎

孫繼臯

無錫
人

納言田君蕙葬其父累贈通議大夫敬齋公與其母累
贈淑人俞氏越四十餘年矣萬歷己亥納言視地於其
州東鄉之聖水原風氣翕聚卜食其吉乃謀以十月某
日改葬而謁余誌銘其墓余與納言同年友也不可辭
按納言自爲狀通議公諱維魯字參畊敬齋其號田在
國朝洪武初有諱小虎者以勇力應大內軍至宣德閒
諱伯用者自南京龍江左衛徙鴈門山後應州家焉故

今爲山西應州人伯用幾傳曰慶甫慶甫生旺旺生增
廣是爲公高祖增廣生贈上林左監丞盛盛有行義不
昧客遺金三百鄉人豔傳之至今上林生今贈通議大
夫前耀州守天澤天澤與其仲天濟同舉宏治壬子鄉
試初令定興會流賊兵變能捍衛全城旣爲耀州值武
廟幸榆中能力枝中貴人之橫索錢者州以無窘耀州
始娶王氏生三子公其季也少游學長安中說詩解人
頤乃遂以詩推擇郡博士諸生公爲諸生累試無不冠
其偶者至試於鄉十不得一入之以寢食久次貢禮部

未拜職而歸歸亡何卒矣夫士業稱明經進不得財

中科致身日月之間而用貢起斯以不遇矣又竟不沾
一命而歿謂命非耶贈淑人俞氏者俞教授瓚女也有
賢行克相厥家先公五年卒蓋公爲人孝友與人交和
而謙遇門弟子有恩禮教諸子整辟退謙畧似萬石君
家風而宜人性顧謹嚴少頗讀女訓諸子有過誚讓之
必令省改不改卽夏楚繼之矣門以內廩廩加肅以故
公徘徊庠序閒得長者聲而其諸子閒出過閭巷人不
問知爲田氏彼其庭訓闡範殆若相濟以有成云公生

正德戊午四月初七日卒嘉靖辛亥三月二十三日壽
五十有五淑人生正德癸亥九月二十五日卒嘉靖丙
午九月二十五日壽四十有四子男三長蘭次芹郡庠
生俱卒次卽蕙通政司通政使孫男五孫女一曾孫男
七曾孫女四狀又言蕙兒時卽能小學大學諸書其吾
母口授提抱中長而督之甚力而吾父歿也牽蕙泣
曰成吾志以無佚而大父光是在豈子勉之矣蕙早夜
兢兢懼墜棄遺教爲吾父若母羞勉自磨淬以有今日
夫翟公弗永乃興儒宗孟母斷機是啓大賢豈不偉哉

公與宜人雖不幸不當其身以見其子之顯而隨食其
祿然煌煌天章責於九原公與淑人食報於幽未為不
厚也矧寵渥光大今方始乎哉銘以俟之銘曰田氏載
德世受儒遺金不昧先民徒典州矯矯州人呼前有文
正今大夫公承厥世懷瑾瑜十獻弗收委貢途吁其命
也何賢愚生偕令淑歿與俱遺之鳳雛一儀虞迄綰縣
綬換部符游陟銀臺上大夫雲章疊霈龍文鋪九原食
報良匪紆有崇新阡震之隅有坎其中安且愉自今兩
露其方濡天道洵猶張弓乎勒銘元石永弗渝

詩

五言古

鴈門道中書所見

元前翰林
知制誥
元好問
秀容人

金城留浹旬兀兀醉歌舞出門覽民風慘慘愁肺腑去
年夏秋旱七月黍極吐一夕營幕來天明但平土調度
急星火逋負迫捶楚網羅方高懸樂國果何所食禾有
百騰擇肉非一虎呼天天不聞感諷復何補單衣者誰
子取糴就南府傾身營一飽豈樂服遠賈盤盤鴈門道
雲澗深以阻半嶺逢驅車人牛亦何苦

渡桑乾河

明山西副使 祝顥

金龍池畔水演作桑乾河東馳入滄海浩蕩成洪波誰知稽天流發源始盈科覽物觀人事防微當若何

題田氏繩武冊

禮部侍郎 曾朝節 衡陽人

田氏世德存還金瓶二妙偉哉定興令流賊捍游徼城
全忤逆璫僅乃散局調耀州擅聲蹟名筆尚炳耀歲久
有遺愛烝嘗各祠廟銀臺今駁發奕葉相映照詩以勒
孝思永期後賢肖

將去應州留別鄭調周鼎

國朝 林贊王 莆田

秋風吹瑟瑟游子念故鄉
駕言將旋返獨立何徬徨
顧我同門友契結芝蘭芳
昭質美如玉琢磨就珪璋
相期以古道冰雪瑩肝腸
所與共晨夕云逾二十霜
安能捨此去涕淚滿衣裳

自昔我家昆棄官如敝屣
患難相追隨實惟諸君子
高誼薄層雲深情注遠水
及我息肩初更作蒹葭倚
促膝快談文徵歌列羅綺
問夜動未央絲絃日盈耳
風景忽以殊遠道從茲始

斗酒從歡會猶是少年場
一言及離別滿座慘不揚
非

無絲與竹徒令聽者傷人生重神交道里詎云長顧彼
雲中鴈亦自遠隨陽幸毋玉爾音慰我竚立望

拔劍行出門驅車桑水側握手臨河梁相視餘涕泣昔
爲鴛與鴛今忽儔侶失延頸自悲鳴何以奮羽翼願言
各自愛無爲游子惻梁月照相思萬里猶見色

將赴平定留別張荷塘明府

知州

吳炳

炳

南豐人

曹參漢循良清淨語師蓋源流沿潁川繁苛盡淘汰繫

余仕版初頗欲銘盤帶秦關旣見鴈門簿領因塵壻招徠

媿膠東方畧匪上蔡廩祿猶虛糜

聖恩實霽霈君家

觀察公治績兩河最

荷塘伯父鶴山觀察公歷守河南開封兩郡

銘勒志漢

賢冲襟滌驕秦私淑願附庸陋哉如邾鄆竭來相舉似

悚慄祇增嘅

觀察守河南時顏其堂曰志吳以漢循良吳公也荷塘於應廳事匾以相况故云

執鞭余何辭朽馭凜顛沛君才浩煙海官職詩名會

白香

山詩官職詩

名皆入手

揮霍百里閒五彩絢霞繪家法有餘師培

養深根蒂發軔始金城聲名寇耿外他日馳報章鴻飛
期上艾

用韻答吳韜園前輩

署知州

張五典

涇陽人

材官各爭能身名要俱泰經術飾吏事羣目一措大君

仕自何年皓首猶束帶勞勞風塵中盛暑不車蓋重副
曾未修紈綺厭萃蔡每飯菜一孟何計軒與膾清寂拙
謀身寧一民所賴撫字耐辛勞建議中事會沿革著成
書利病勝圖繪報政向闕廷考準廿七最代領屬
入膏馥得沾丐匝月從之游弼中自彪外試玉必三火
淬金期百汰置車一南針迷途指矇昧留別誦新詩
雲似靄靄君自此遠矣離心逐征旆

金鳳井

張五典

荷塘

積石舊巢居地脈通河水卽都一聲飛煙雲亂足趾

同南郡遊應薄阿城止自從作羽葆波瀾誓不起

七言古

透玲碑

張五典
荷墟

謂石非石玉非玉清光炯炯奪雙日穹碑華表晉王墓
龜趺螭首出山麓生前大節仗忠義貽書帝號謝巴蜀
錦囊三矢付佳兒功成告廟副遺屬鴈門刺血祭先王
彷彿麗牲碑柱旁何年飄零坐兵燹來爭古佛白毫光
臨安縣東石一片衣錦人來逼聳戰颯爽天生熊虎姿
石頭都能識世彥誰教伶樂歌東平送死空餘石鏡明

更邪龍歸可哀曲武擔覆土葬山精

前題

吳

炯

南豐人

初步禪堂觀石碑摩挲片碣僧稱奇廣尺有咫崇稍殺
膚理滑膩若琉璃夕陽倒影現物像諦視驚未爽毫釐
人言晉王墓上石滄桑歷劫梵宮移我意沿襲或訛舛
鴈門隧道森螭龜頗以臆解勒續乘後唐祖墓當無疑
辟邪鼻竇燿荒徼崛起追崇典禮宜倏忽運頽陵谷變
樵斧培擊牧兒嬉好事日覩不忍棄塔壁嵌置留餘悲
事或有之姑妄述茫昧搜求聽俗嗤嗚呼漢唐陵闕幾

遺毀殘碣奚足關盛衰且伴浮屠作故實登眺同爲弔

古詞

七言律

次應州

明祝灝

孤城無險障百里見浮屠
近夏花纔發方秋艸半枯
官民惟給餉士秀多崇儻
誰謂沙陀地前人亦建都

題應州塔

陳子儒
州人

好似擎天柱創建自遼朝
玲瓏侵碧漢突兀透星橋
南望恆山細北觀海水潮
層層叅聖像飛步上丹霄

七言律

寄鄉中故人

元前左司員外郎
曹之謙
州人

十年夢繞故山薇
世事悠悠與願違
華表未成遼鶴語
青冥空羨塞鴻歸
雲橫北嶺迷鄉眼
塵滿西風浣客衣
爲報吾州舊親識
短書相慰莫令稀

上韓應州

天挺英雄入彀中
堂堂自有古人風
飛機力贊興龍業
唾手能收汗馬功
四海威名方共仰
一時才武更誰同
潁川不是留黃霸
行拜中書作相公

過應州

元好問

遺山

平野風埃接戍樓
邊城三月似窮秋
人家土屋纔容膝

駝路薦車不斷頭隨俗未甘嘗馬湏敵寒直欲御羊裘
十年紫禁烟花繞此日雲山是應州

後唐明宗廟

徐世隆

微陵當日拯殘唐五季之間號小康因獸害民秋罷獵
爲民求主夜焚香八年功德丹青在千古明靈祭祀長
欲識此邦遺愛事廟槐人敬似甘棠

應州途中漫興

明兵部
尙書

熊翀

橋邊柳色映征袍盡日驅馳不憚勞原上來牟千頃綠
馬頭山阜一峯高豺狼寂寂民安堵斧鑕閑閑我載橐

堪嘆巢由空老大掀天事業屬吾曹

次應州和沈僉憲韻

斜陽匹馬不勝悲閃閃飛來鳥亦疲三晉激揚孤聖主
百年踪跡半天涯風埃漠漠邊中景野哭悠悠是處饑
愁絕夜深渾不寐呼童秉燭和前詩

題應州憲司壁二首

山西
提學沈鍾

南山頭枕西山尾山勢崢嶸地勢雄荒徼迴居青塚北
渾源近隔白雲東蹉跎行李三春老俯仰寰區萬古同
墨汁淋漓詩滿壁不須也着碧紗籠

大萬朶露峯尖吏隱憐
吾不可兼泉石舊盟寒已
風霜遠道苦相淹白雲騁
望心如醉素筆留題性不
今夜應州分省宿五更霜
氣極清嚴

應州廟學釋奠

素王萬世道彌尊祀享春
秋典禮敦筐篚滿庭陳祝幣
鼓鐘在序薦饗殮六經刪
述原無恙二氏荒唐敢並論
精爽洋如神在上櫺星燈
火耀重門

應州卽事

宿雨初晴物色鮮獨騎驄
馬過窮邊萬家社酒喧村鼓

應州續志 卷九
千里春耕靖塞煙路遠尚防泥更濘溝平瀨見水流涓
西安道上亡猿者猶有行人說往年

應州署中喜晴

督學御史蕭重望

瀟瀟陰雨靜垂簾六合於吾何所嫌鶴倦不知天欲照
鳥來似識日初暹藥爐肯乞人閒火坐榻還留昨夜燈
晨茗放衙烹未熟旋呼松實理牙籤

應州

陳子儒

曾說金城千萬家屢因兵革散天涯昔年帥府爲州日
近世新屯改縣衙五代山陵生拾栢七雄邱塚變桑

興亡欲話無窮盡且飲香醪度歲華

水渠

永平

王暉

姓

山下蒙泉潤我疆支分派別擬天潢閭閻莫訝勤疏鑿
鴻鹵旋看藝稻梁鄭國開渠秦亦稱王尊卧岸漢稱良
知君更駕前人意流澤應同此水長

桑乾道中

陳鴻

征程十里見桑乾二月誰憐尙苦寒沃野北來邊地近
流澌東下早春殘風移竹箭穿貂帽雪作楊花點馬鞍
旅况墟頭消不盡琵琶纖指莫教彈

渡桑乾河

學正

曾

韜

山海衛人

少小詩中識水名飄零今日渡河津
一身道路八千里兩鬢風霜五十春
空有赤心懸白日慙無清政惠黎民
沙陀立馬徘徊久久欲濯纓已濕巾

題應州塔

玲瓏峻碧倚蒼穹
海宇浮圖第一功
百仞正基旋地軸
六層鈴舌弄天風
觀瞻獨出沙陀外
登賞祇從殿腹中
幾欲壯懷發豪興
借爲文筆寫長空

登塔有感

遊轍馳驅客路長
宦情鄉思總悲傷
平原頭夏無花木
極塞深秋有雪霜
卓犖多才慙賈董
英雄薄命感關張
登臨偶動凌霄志
騎鶴腰纏上首陽

同登梵塔次曾先生韻

學正
陸璟

偶來登塔興何長
登過層層倍感傷
東望神京天咫尺
北瞻沙漠地風霜
潛心事業書千卷
唾手功名紙半張
莫道吾儒甘寂寞
青霄有路著飛揚

登塔次曾學博韻

進士
盧璣
松陽人

勞封木石障崆峒
世道無闕枉費工
漢魏晉來方有跡

夏商周際未聞風六層影落荒涼外十里鈴鳴杳靄中
梁武不知回祿戒兵臨城下尚談空

登應州木塔

馮清

邊城暫憇梵宮遊直上浮圖百尺樓勢入雲霄胸次豁
光依日月寵恩優名山勝水看無際世態民風望未周
行色匆匆一登賞情兼後樂與先憂

題塔

吏部尚書喬宇
樂平人

矗矗欄干面面迎盤空萬木費支撐山川一覽雲中勝
烽火遙連塞上兵歲紀遼金留往跡郡經秦漢有威名

雲梯踏遍穹窿頂蜂蟻紛紛下界行

登應州釋迦塔

黃 芸

解却征袍著布衣浮屠登眺思依依五臺南去山光小
三晉西來樹色微遠塞霜清天欲暮九天風動鴈先飛
少年幸占鰲頭選激省嚴親念未歸

題應州塔

太僕寺卿袁 宏

公餘閒上梵王樓直造凌虛絕頂遊大地河山歸一撮
駕鴻得路傍周流光搖銀海輕千里勢入雲霄隘九州
後樂先憂平素志馳驅羸得鬢飛秋

雲漢石

農山老叟

天漢橫空列錦章
平分一石錯星芒
幾經織女填橋渡
却訝靈查著水停
結就仙源誰獻巧
移來古塔定呈祥
可憐花石煩天使
一脈珉珉萬禩長

登塔

戶部郎中謝

淮

任邱人

苑王樓閣敞天開
雲霧濛濛四望回
恆嶽平臨樹色入
金池遙漾日光來
坐忘市井超仙境
步出炎蒸到雪垓
壯志凌空頻指點
單于臺畔盡成灰

金鳳井

威鳳鍾祥迴不羣
司徒家世冠鴉軍
九苞還自寒泉出
五色疑從海眼分
道山句此地
曾云海眼開
今尚餘光依日月
昔應霸氣壯風雲
桓桓此地昭然見
露井銀床草徧薰

邊耀夕照

雄槩峻嶒瞰鴈門
夕陽錦綉若雲屯
林涵萬樹光相迫
水出千山彩欲吞
陌上餘輝催過客
谷邊曙色晃來猿
寒煙衰艸都休問
畫史應為御苑存

同納言田公登塔二首

進士

黃如金

海寧人

木塔玲瓏號勝遊
登臨却喜倚雲頭
悟窮元始超三象

思入溪濛隘九州千里有懷長戀闕百年隨地可登樓
酒酣捉筆題新句豪氣翩翩薄斗牛
十丈蓮開祇樹林納言攜我一登臨置身直在青霄上
縱目長過恒嶽峯僧定不聞鐘磬響風清時送鳳凰吟
天涯遊子仍遷客翹首飛雲淚滿襟

應景總題

字備

趙 璽

山川佳麗古金城文物聲華到處明邊雄曉烟千樹碧
桑乾秋水萬年清三岡形勢雄天險四鎮提封擁帝京
賴我聖朝全盛日人人樂業享昇平

九日同友登應州西城遠眺

國朝

邵言綸

福建人

一望晴光冷欲浮
邊城攜手共開眸
草空平野煙村澗
雲薄遙天日影悠
近市酒帘徒向客
拂牆花穗尚搖秋
馮高縱少萸囊紫
不異龍山最上頭

秋日登佛宮寺木塔二首

吳

炯

牧邨

木塔峻嶒造化工
振衣絕頂俯飛鴻
渾河近湧秋濤白
恒岳遙啣日影紅
雲漢人題遼代石
桑榆僧指晉王宮
六層人立雲霄際
萬里鄉關一望中

赤磧黃砂幾變遷
凭欄眺望渺無邊
雲中城郭千家雨

應州志 卷九
代北牛羊萬壑煙隱曜星辰高可摘
悠揚鐘磬響空懸
奇觀峻極前朝字剝落塵埃賸紀年

佛宮寺塔

張五典 荷塘

金繒歲入宋修和祝髮齋僧日見多
梵覺經文來夏國
空門土木戒常哥莊嚴畫塢依然在
突兀蒼穹竟可摩

欲問招山藏骨處

遼咸雍七年詔置
佛骨於招山浮圖

浮圖厯劫比如何

木塔次張荷塘明府韻

吳鳴謙

南豐人

那堪興廢問禪和古塢依然夕照多
獻納金繒勞宋帝
縱橫戰伐倚休哥千尋元嶽肩相比
尺五青雲手欲摩

好與登臨偏感喟當年民力竟如何

登塔次曹秋岳侍郎韻

訓導

張廷綽 榆社人

由來木塔擅嘉名鬼斧神工鑿得成閣影沉沉連霧夕
爐香裊裊入雲輕散將珠樹花千瓣幻出金身草一莖
想像翠華題勝處登臨爲作放歌行

隨季父登應州木塔命次曹侍郎秋岳先生上元

重遊韻

張我旂 榆社人

追隨勝地暢同登健步何須策短籐不二門中遙象緯
大千世界托陵嶒人天住著原無礙衣鉢傳來自一燈

好在陳思遊賞處留題清咏上觚棱

七言絕

渡桑乾河

唐
雍陶

南客豈曾諳塞北
年年惟見鴈飛回
今朝忽渡桑乾水
不似身來似夢來

渡桑乾河

賈島
北陽人

客舍并州已十霜
歸心日夜憶咸陽
無端更渡桑乾水
却望并州是故鄉

過茹越嶺有感

元
曹之謙
兗齋

山川良是昔人非
北望松楸淚滿衣
三十餘年成底事

應州志 卷九
全家南渡一身歸

三岡四鎮

元好問
遺山

南北東西俱有名三岡四鎮護金城古來險阻邊陲地
到處皇威頃漏埃

題龍泉寺

遶渠寒溜夜潺潺說有蛟龍在此閒可惜九天霖雨物
一泓何事件僧閒

應州次元遺山韻

明翰林
院學士
王達善

一相傳盡得名幾番烽火照邊城於今萬里平

雞犬安眠夜不驚

桑乾河

三月清冰潔似銀
黃河兩岸不知津
可憐一片無情地
水亦年年解渡人

安東衛調應州

翰林院
編修侯復州人

創建金城自漢秦
至今千載始安屯
旌麾壯後兵威振
永鎮沙場保塞民

題應州釋迦塔

山西
僉事夏景

木塔營成不計年
參差飛檻倚雲邊
山川凝望多清趣

遙指京華路一下

應州道中

山西
參政楊濬

鴈門山色望中多
雨歇桑乾漲綠波
蹀躞驂騑塵不動
客程此日到沙陀

邊耀夕照

守備
熊綱
代州人

日落邊城夕照斜
山川錦簇漾天涯
太平氣象分明異
一帶遙村掛紫霞

前題

通政
田蕙
州人

塞上層巒漸夕陽
漢唐爭戰舊沙場
霞光一片天邊錦

尤堪醉百觴

題八景

黃如金

桑乾河水名千古，賸有幽奇烟若雨。
賈島何緣渡此愁，應知信美非吾土。

十丈蓮開洵奇絕，登臨直與青天埒。
古今題咏幾人同，誰知塗膏并鬻血。

雲中春色舊來遲，肯信龍灣獨擅奇。
便道東君公化育，也應鄒律順時吹。

鳳凰飛去已千年，舊井餘輝尚煥然。
弔古不須頻感慨。

還將忠義踵前賢

白雲出岫本無心
何事騷人費咏吟
若作太行山上看
天涯遊子幾霑襟

夕陽回照豈揮戈
龍首煙霞秀色多
莫道邊城好風景
閨中少婦正顰蛾

秋風黃菊鬪芳菲
塞草殘兵戰馬肥
邊將皆承主恩澤
夜來起舞獵征衣

皎皎冰輪映碧波
繞枝飛鵲夜如何
可憐枕甲沙場苦
吹徹關山涕若沱

登釋迦塔

御馬
太監劉一祥

孤標紫塞勢崢嶸
西北長天賴此擎
指顧山川憑斗立
追陪杯酒踏雲行

皇風身沐吟懷爽
白日心懸壯志宏
共喜晴明無點翳
東南遙望祝昇平

望應州塔

國朝刑部
尚書魏象樞 環溪

十里煙雲一望通
浮圖如削插長空
何年種得菩提子
幻出金蓮大地中

應州小石寺古松

元釋緒溥

霜皮老幹勢如龍傲盡叢林無限風本末渾然千古質
不須秦政大夫封

詩餘

柳梢青

應州客感

國朝

朱彝尊

竹垞

金鳳城偏沙攢細草柳擘晴絲九十春來連宵鴈底幾
日花前 禁他塞北風煙虛想像湖南叩舷夢裏頻歸
愁邊易醉不似當年

念奴嬌

登塔

張廷紳

憑高眺遠問遼金結構何年撐木大地河山纔入望盃
底不盈一掬獅子吼時象王迴顧花草紛紅綠蒼茫今
古一時都上心目 爲想成祖當年北征初駐輦龍庭

臣服繼統神孫遊幸處武廟仍傳遺躅峻極神工奇觀
天下宸翰親題屬乘風長嘯浩歌還洗塵俗

峻極神工
文皇所題

天下奇觀

武宗所題

滿江紅 調李晉王克用詞

戮力沙陀鴉騎過巢氛擒滅只灑盡梁唐遺恨一腔心
血諸鎮收京推少壯三垂置酒添嗚咽想伶人爲進百
年歌聲悲切 摩井鳳流傳說龍隻眼聞風懾但此生

長誓守吾臣節囊矢前驅笳鼓競獻俘告廟旌旗捷羨
養兒亞次復何人真英傑

應州續志卷之九終

應州續志卷之十

應州知州南豐吳炳纂輯

雜紀

東漢

獻帝建安二十三年四月代郡烏桓反曹操以子彰爲

中郎將夏侯尚爲叅軍擊之彰入涿烏桓數千卒至

時兵馬未集彰用田豫計固守要隙敵散退彰追之

身自搏戰馳射敵騎應弦而倒前後相屬戰至半日

鎧中數箭意氣益勵乘勝逐北至桑乾

雲中志今地屬應州漢代

郡縣 去代二百餘里長史諸將皆以爲新涉遠地士馬

疲頓又受節制不得過代不可深進彰曰率師而行

惟利所在何節制乎遁走非遠追之必及從令縱敵

非良將也遂上馬令軍中後出者斬一日夜相及擊

大破之通志魏土地記代城北九十里有桑乾城城西渡桑乾水水經注魏任城王彰以建安二

十三年伐烏桓入涿郡遂北逐至桑乾止於此是也

今當係蔚州北然去代二百里則地屬應州之說亦

當存

北魏

始祖五十八年晉遣子文帝名沙歸始祖聞大悅使諸

節大人詣陰館迎之

太祖皇始二年叱奴根反於陰館南安公順率軍討之不克死者數千詔安遠將軍庾岳總萬騎還討叱奴

根等滅之

俱見帝紀

太祖伐中山南安公順守平城賀力眷等聚衆於陰館順討之不克乃從留官白白登南入繁峙故城阻灑

水爲固以寧人心太祖善之

通志

後唐

明宗天成二年十二月追尊祖考爲皇帝妣爲皇后高

祖聿諡曰孝恭廟號惠祖祖妣劉氏諡曰孝恭昭曾
祖敖諡曰孝質廟號毅祖祖妣張氏諡曰孝質順祖
琰諡曰孝靖廟號烈祖祖妣何氏諡曰孝靖穆考電
諡曰孝成廟號德祖妣劉氏諡曰孝成懿立廟於應

州 五代史

本紀

明宗入立繼唐太祖莊宗而不立親廟太常卿馬縞請
立廟以申孝享宰相邢瑒等請四代祖考皆加帝而
立廟京師詔可其加帝而立廟應州

馬縞傳

晉

高祖天福六年安重榮上表云昨據熟吐渾白承福赫連功德等領本族二萬餘帳自應州來奔

五代史本傳

宋

太宗雍熙三年二月以潘美爲雲應朔等州都部署雲州觀察使楊業副之出鴈門伐契丹三月師至應州其節度使艾正觀察判官宋雄以城降

三年五月潘美還代州徙雲應朔吏民及吐渾部族分置河東京西九月賜所徙雲應等州民米

俱見本紀

三年北征諸軍連拔雲應寰朔四州師次桑乾河會曹

彬之師不利諸路班師未幾詔遷四州之民於內地
令美等以所部之兵護之時契丹母蕭氏與其大臣
等領兵十萬復陷寰州業謂美等曰今遼兵益盛不
可與戰朝廷止令取數州之民但領兵出大石路先
遣人密告雲朔守將俟大軍離代州日令雲州之衆
先出我師次應州契丹必來拒卽令朔州民出城直
入石碣谷遣強弩千人列於谷口以騎士援於中路
則三州之衆保萬全矣蔚州刺史王侁沮之逼之戰

俄而業敗於陳家谷死之

楊業傳

徽宗宣和五年契丹將蘇京以應州來降金人尋遂克

復取之

通志

遼

太宗天顯十一年十二月庚戌幸應州癸丑唐大同彰

國振武三節使迎見謂之不遠

會同元年十一月晉遣使趙堂奉表來賀以雲應等十

六州圖籍來獻

穆宗應歷三年三月如應州擊鞠

景宗保寧五年正月如應州

聖宗統和元年十一月癸丑應州獲宋謀者言宋除道
五臺山將入靈邱界詔謀者及居停人並磔於市

四年四月以艾正趙希贊及應州朔州節度副使等叛
入於宋籍其家屬分賜有功將士

四年五月詔遣詳穩排亞率弘義宮兵及南北皮室郎
君拽刺四軍赴應朔二州界與惕隱瑤并招討韓德
威等同禦宋兵之在山西未退者

開泰三年三月應朔等州置轉運使

六年冬十月南京路饑輓雲應等州粟賑之

俱見本紀

耶律斜軫取蔚州，令圖潘美等，復以兵來斜軫，逆於飛狐。敗之，宋軍在渾源。應州者皆棄城走。

本傳

金

太祖天輔七年四月，聞遼主留輜重青塚，以兵萬人往。

應州遣婁室銀朮可等追襲之。

帝紀

天輔七年，遣字董銀朮可報聘於宋，許以武應、朔、蔚等州。其於西北一帶，接連山川及州縣，不在許與之限。

文聘

表

阿魯補徇北地，招降營帳二十四，民戶數千。時已下西。

京闈毋攻應州不下退營於州北十餘里夜遣阿魯
補率兵四百伺敵城中果出兵三千來襲阿魯補道
與之遇斬首百餘獲馬六十天會初宋王宗望討佖
覺於平州聞應州有兵萬餘來援遣阿魯補與阿里
帶迎擊之斬馘數千而還

本傳

太宗時突合速嘗領偏師破雲中諸山寇盜宗望攻平
州遣突合速討應州賊平之撫安其民而還

本傳

夾谷吾里補從宗翰屯應州遼軍在近境吾里補以所

部擊敗之

本傳

正大七年元太宗至應州以九日拜天親統大兵入陝

西

牙吾塔傳

元

太宗八年二月命應州郭勝等從皇子曲出充先鋒伐

宋

世祖中統三年十一月敕河西民徙居應州其不能自

贍者百六十戶給牛具及粟麥種仍賜布人二匹

英宗至治二年七月車駕次應州曲赦金城縣囚徒

俱見

本紀

應州郭志全反脅從誅悞者五百餘人有司議盡戮之

劉黑馬止誅其為首者數人餘悉從輕典

父劉伯林傳

明

宏治十三年火篩掠應州及馬邑懷仁十八年寇由懷

仁入應州

正德十二年十月帝駐蹕順聖川甲辰小王子犯陽和

掠應州丁未親督諸軍禦之戰五日辛亥寇引去駐

蹕大同

十三年七月錄應州功敘蔭陞賞者五萬餘人

俱見本紀

武宗幸大同還以應州之捷大賚文武羣臣兵科都給事中汪元錫言是役殺邊民無算六軍多傷今君臣欣喜交賀而軍民繫賊庭南向號哭臣等何忍受賜

本傳

應州之捷帝降敕總督軍務威武大將軍總兵官朱壽勦寇有功宜特加公爵制下舉朝大駭刑科給事中齊之鸞偕諸給事中上言自古天子亦有親臨戰陳勘定禍亂者成功之後不過南面受賀勒之金石播之歌頌已耳未有加爵酬勞如今日之顛倒者不知

陛下何所取義爲此不祥之舉以駭天下之耳目貽

百世之譏笑也

本傳

嘉靖二十四年和川奉國將軍充灼坐罪奪祿怨代王
充耀不爲解乃與襄垣中尉充燠謀引敵入大同殺

王會應州人羅廷璽等以白蓮教惑衆見充灼爲妖
言因畫策約奉小王子入塞藉其兵攻鴈門取平陽
立充灼爲主事定卽計殺小王子充灼然之先遣人
陰持火箭焚大同草場五六所而令通蒙古語者衛

奉關出邊爲總兵周尙文邏卒所獲並得其所獻小

王子表鞠實以聞逮充灼等至京賜死焚其屍王府

長史等官皆逮治

代王
列傳

三十一年八月俺答犯大同分掠應朔山陰馬邑

三十六年俺答于辛愛寇應朔毀七十餘堡

俱見
本紀

嘉靖時俺答入寇破應州四十餘堡楊順爲總督懼罪

欲上首功縱吏士遮殺避兵民人

通志

隆慶三年九月俺答犯大同掠應州山陰渾源

本紀

崇正七年七月 大清兵入大同境攻拔得勝堡遂圍

懷仁縣應州總兵曹文詔與總督張宗衡駐懷仁固

守八月圍解 曹文 節傳

國朝

康熙四十六年 曲縣民高宏化等勾黨叩閭詣太原
 等處有金銀銅等礦每歲願輸戶部銀二十萬自備
 人工開採下部行查巡撫噶禮將康熙十四年以後
 歷年卷業均屬挖取無砂久奉封塞 題覆高宏化
 等復行瀆奏命戶部郎中赫都押解高宏化等十人
 至晉同巡撫地方官踏勘是年九月戶部赫都巡撫
 噶禮布政使永泰赴繁峙應州等處開挖無驗十一

月赴聞喜衛坡卽宏化等所稱魚坡彎者開挖三晝
夜得銅砂二十斤又赴夏縣溫峪山開挖三晝夜得
銀砂二十餘斤面同部員封固還省覓匠煎煉所採
銀砂並無銀色雖有銅星不成分數遂將高宏化德
哥等交部員押解回京覆奏奉

旨高宏化等議罪發落永行封塞

通志

炳按推蓬寤語云鴈北歸必銜蘆越關則輸之淮南
子有銜蘆以避矰繳之說不知鴈從風而飛春夏南
風故北飛秋冬朔風故南飛秋冬過南食肥體重故

借蘆以助風力塞北風高則無事此故投於鴈門又
燕閒錄云山西地寒六月初巡五臺嶺頭澗底層冰
積雪皚皚尙衣薄棉陳伯安兵備代州言北上鴈門
至應州歷雲中更寒然煖木實產其中此陰中陽也
二者足爲金城考索之助爰附載焉

雜紀補逸

北魏道武帝天賜三年六月發八部五百里內丁男築
灑南宮門闕高十餘丈引溝穿池廣苑圍規立外城

方二十里分置市里經塗洞達

本紀○按魏書穆帝於灑水之陽黃瓜堆

築新平城至道武天興六年幸南平城規度灑南面
夏屋山背黃瓜堆將建新邑此云築灑南宮即前所
規度者新平城在黃瓜堆灑水北新邑則背黃瓜
堆在灑水南係是兩處而南平城殆即新平城也

應州續志後序

予歷官陝右於延安之宜川縣鳳翔之隴州各有州邑志之役而宜川向無志乘事爲創始隴州則取事蹟之缺遺者別續一書草創既成請質當事一得之愚謬蒙推獎業已俱付剞劂丙戌仲冬移任古金城其地屬漢雁門郡攷漢志雁門郡領縣十四中有陰館涇陶劇陽三縣舊志本遼史謂金城即漢陰館縣地雍正時宜興

儲公大文脩通志亦仍其說今冀寧觀察析津
徐公則援闕駟十三州志顧景范方輿紀要暨
國朝一統志諸書謂金城之應州為漢涇陶劇陽
二縣地以陰館東北百三里為劇陽縣而劇陽
陰館之間為涇陶縣劇陽在州東北境涇陶在
州之西山陰縣之東陰館在代州北四十里即
宋白所云勾注山北下館城則州實割分涇陶
劇陽二縣地陰館不得越涇陶而東根據詳晰

言誠辨而核矣然史記匈奴列傳趙襄子
勾注而破并代以臨胡貉索隱注引常昭云勾
注山名在應陰館按常昭三國時吳人是三國
以前已有應之地名不止見西魏周隋時而陰
館與應本相連屬明甚予於沿革祇就隋文所
載陰館廢置糾其牴牾而注陶劇陽未經覈訂
亦猶儲公之意甚矣考古之難也而舊志體例
未愜尚不止沿革其間田賦之率畧官師之脫

漏選舉之混淆人物之訛誤指不勝屈沿襲已
數百年因循久之將愈不可問予滋懼焉適奉
前大中丞蘓公檄飭考正州乘因於簿書餘隙
蒐討廿二史暨子集諸家証謬補逸彙集成書
為綱十為目四十有二仍曰續志蓋不敢沒前
人之功悉攘為已有也昔宋陳耆卿撰赤城志明
謝方石續之各為一集合之以行康對山志武
功王九思志鄠後之重脩者別康王所撰為前

志而以續纂為後志成法具在予雖學識媿鄙
不敢附作者之林猶竊取斯意云爾

乾隆三十四年己丑秋月

賜進士出身

誥封奉直大夫大同府應州知州南豐吳炳撰